

Isipla wei long promotim bisnis bilong yu

GUTPELA KWALITI, GUTPELA PRAIS LONG PNG

Bisnis Kads

K120 | **K175**
200 kads + takis
Printin tasol
Wanpla sait, ful kala 300 gsm pepa.

Only at...

THEODIST LTD
THE STATIONERY SUPERMARKET
Vlaigani Drive, POM Markham Road, LAE
Ph: 313 9800 / 7232 1300 Ph: 472 5488 / 7091 7854
sales@theodist.com.pg sales@theodist.com.pg

KOLIM MIPLA NAO!

Polye sapotim Australia



Stanley Nondol i raitim

OPOSISEN lida Don Polye i sapotim presiden bilong Atonomas Rijon bilong Bogenvil (AROB) John Momis long PNG na Australia gavman i stretim toktok namel long tupela na larim Australia go sapotim wok bilong AROB na PNG gavman i mas sapotim restoresen wok.

Tupela lida i mekim dispela singaut bihain nesenel gavman i stopim ol Australia long go long Bogenvil stat long dispela wik bihain long ripot i kamap olsem Australia i laik putim wanpela konsulet opis long Bogenvil.

Oposisen lida, Don Polye i tok bikipela samting em laip, sevis na ol developmen bilong restoresen bilong AROB na PNG na Australia gavman i mas toktok na larim wok bung i mas go het long helpim AROB.

Mista Polye i singaut long PNG gavman long kwik taim rausim tambu em i putim long ol Australia i go long Bogenvil.

Mista Polye i tok Australia i wanpela bikipela developmen patna na aninit long Vienna konvensen long diplometik rilesen, Australia i gat rait aninit long bai-leterel agrimen namel long tupela kantri long Aus-

- long PNG na Australia stretim toktok
- larim Australia go long AROB
- Australia toktok wantaim PNG gavman



tralia i ken putim konsulet opis long AROB o narapela senta insait long kantri.

Em i tok ol arapela kantri olsem Nu Silan, Japan, Indonesia, Filipins, Malaysia i ken putim opis bilong ol long Lae, Mt Hagen na ol arapela senta long wok klostu long ol pipel na bisnis wankain olsem PNG i gat opis aninit long baileterel; rilesen long Sydney, Brisbane na Cairns long Australia.

Praim Minista O'Neill i bin tok Australia i no bin toktok wantaim PNG gavman long putim konsulet opis long AROB na em i askim Foren Afeas Minista Rimbink Pato

wantaim dipatmen long stopim ol Australia long go long Bogenvil.

Mista Momis i tok ol restoresen wok bilong AROB em bikipela wok na i gat agrimen namel long Bogenvil na PNG gavman long stretim ol bagarap i kamap long taim bilong Bogenvil kraisis. Em i tok PNG gavman i mas helpim long ol restoresen wok.

Opis bilong Australia Hai Komisnin long Pot Mosbi long asde apinun i salim tok save olsem Australia bai toktok wantaim PNG gavman long dispela hevi long ol wik i kam.

I go moa long pes 2...

Stail KILIM YUMI

Liklik komik blok
bai kamap olgeta
wik long **Pes 2**
long soim PNG i
gat kainkain
manmeri i stap
long siti.

Noken abrusim!!

INSAIT:

Riviu bilong
dispela wik -
P2

**NRI lukluk long
prais bilong ol
haus long NCD -
P4**



**Ol meri PNG i go long
bikipela woksop long
Amerika - P10**



**Lukim
Biabia komik
strip long
pes 4**

**TV WILL NEVER
BE THE SAME
AGAIN**

LAUNCHING NATIONWIDE SOON
CALL 180 1515 FOR MORE DETAILS



**29 TV CHANNELS
OF THE BEST**

MOVIES
SPORTS
NEWS
KIDS

Long Ailan pipel wetim yet promis bilong MPG

OL PIPEL bilong Long Ailan we i stap longwe tru long bikpela solwara long Madang provins i wetim yet helpim mani Madang provinsal gavman i tokaut long givim long stretim haus marasin bilong ol na nupela wara saplai projek.

Wod 32 kaunsila bilong Saidor LLG, Mathias Korima i tokaut long Redio Madang 'Sain Gamun' program las wik olsem ol pipel i wetim promis bilong opis bilong gavana Jim Kas longpela taim na ol i belhat na askim em i karim maus bilong ol long askim nau long pablik.

Mista Korima i tok olsem long mun Oktoba long las yia, wanpela wokman long opis bilong Gavana i bin go long Long ailan

na tokaut long pablik olsem opis bilong Gavana i gat mani i stap pinis long stretim ol haus marasin long Long ailan.

"Ol pipel bilong mi long Long ailan i wet longpela taim na ol haus marasin i go bagarap nau na mipela no harim wanpela tok-tok i kam long opis bilong Gavana Kas," kaunsila Korima i tok.

Em i tokaut olsem dispela opisa bilong Gavana Jim Kas i bin bungim ol lida namba wan taim long Poin Kiau na i toksave long ol olsem Madang provinsal gavman i redim pinis wanpela K50,000 long stretim haus marasin long helpim ol pipel long wod 33 na 34.

Kaunsila Korima i tok bihain dispela opisa i bungim em long

ples Matapun, we em i tokim Mista Korima olsem Madang provinsal gavman i redim K70,000 long stretim haus marasin long ples Matapun we bai helpim ol pablik sevan na ol arapela wok lain i save stap long hap.

Mista Korima i tokaut tu olsem dispela opisa i bin tokim em olsem opis bilong gavana i redim pinis mani mak olsem K264,000 long wokim nupela wara saplai long Matapun, we bai helpim ol pablik sevan olsem ol tisa, helt woka na ol arapela i stap long Long ailan.

"Long dispela taim dispela opisa i wokim toktok inap tude, mipela i no harim wanpela moa toktok gen olsem na mi yet mi kam na wokim toktok long Redio Madang," Mista Korima i tok.

"Mipela laikim Madang provinsal gavman i no ken westim moa taim na givim dispela mani em i tokaut long en na wok i ken stat," em i tok.

Riviu bilong dispela wik

O'Neill kros long Australia

PRAIM MINISTA Peter O'Neill i kros long ripot i tok Australia bai opim wanpela opis bilong en long Bogenvil. Mista O'Neill i tok Australia i mas soim rispek long PNG bikos Bogenvil em i stap yet long PNG. Mista O'Neill i tok PNG i save soim rispek long ol arapela kantri, olsem na i gutpela sapos ol tu i soim wankain rispek na luksave long kantri bilong yumi. Mista O'Neill i bin mekim dispela toktok bihain long Australia i tokaut long baset bilong en long dispela wik na i tok bai em i opim wanpela opis bilong en long Bogenvil. Foren Minista bilong Australia i tok em i bin toktok wantaim nesenel gavman na em i tok save long dispela ples bilong Australia.

Gavman bai sekap long win bilong Namah

GAVMAN bai sekap long win bilong Memba bilong Vanimo Grin, Belden Namah long kisim wok bilong Gavana bilong Sandaun las mun. Ol 13 lokal level gavman presiden bilong Sandaun Provinsal Asembli i bin makim em gavana long Epril 22, bihain long kot i bin rausim Gavana Amkat Mai long stap olsem wanpela memba bilong Palamen. Mai husat i nominet gen las wik long resis aninit long pati bilong em Nesenel Aliens Pati i tokim ol pipel olsem gavman i mekim wok painimaut nau long olsem wanem Namah i winim ileksen long kamap ekting gavana bilong provins.

Komisina Baki i stat wok

Nupela Plis Komisina Gari Baki i mekim wok bilong em nau bihain long em na olpela komisina Geoffrey Vaki i sekan na Vaki i givim wok i go long Baki long las wik Fraide. Gavman i bin makim Vaki long mekim wok bilong Komisina long Jun 16, las yia. Mista Vaki i wok olsem wanpela polisman inap 45 yia olgeta. Polis Minista husat i bin stap long dispela bung i bin tokim ol polis opisa long soim gutpela pasin na wok gut wantaim nupela Polis Komisina, Gari Baki.

Yunion laik Telikom baim

K2milien kompensesen

PNG Komyunikesen Wokas Yunion i laik Telikom (PNG) Limited i mas baim K2 milien kompensesen long ol wokman bilong Telikom bikos yunion i tok dispela ritrensmen bilong ol i no bihainim lo na i brukim agrimen bilong yunion. Presiden bilong yunion i tok i gat 937 woka bilong Telikom. Em i tok dispela retrensmen ekksesais i laik rausim 300 Telikom woka we sampela bilong ol em ol ensinia na ol teknikel opisa. Em i tok sapos kampani i rausim ol dispela 300 woka bai husat i mekim ol wok bilong kampani.

Gavman givim tok orait long 129 refuji

Gavman i givim tok orait long 129 asailam sika o ol refuji long Manus detensen senta long stap long Papua Niugini. Praim Minista Peter O'Neill i tokaut long dispela las wik long taim em i bin toktok long wanpela bung long Lowry Institut bilong Intenesenel Polisi long Sidni, Australia. Praim Minista i tok moa long 400 asailam sika i lusim PNG pinis. Mista O'Neill i tok nesenel gavman i wok long mekim bikpela pablik tok save nau long ol pipel bilong PNG i mas larim ol dispela refuji i stap namel long ol. I bin gat ol edvatismen i kamap long televisen na ol niuspepa long tok save long ol pablik long wok bung wantaim ol refuji.



Polye sapotim Australia

I kam long pes 1...

Australia Hai Komisnin i tok olsem Praim Minista O'Neill i tok pren namel long tupela kantri i no bin gutpela tumas tasol opis bilong Australia i tok helpim bilong Australia long PNG em i bikpela na i sanap long mak bilong K1.3 bilien long 2015/ 2016. Em i tok developmen program long AROB em 50 pesen moa long 2012 na 2013.

Ol pipel bilong AROB i wok long vot long presiden na ol memba bilong ol. Gavman bilong Australia i sapotim dispela ileksen wantaim mani long ol balot bokis, balot pepa na ol arapela wok.

No gat tok klia dispela taim long helpim nesenel gavman i givim long dispela ileksen. Tasol Australia i sapotim long 50 pesen.

Talk more for just K1 a day

Subscribe to our K7 weekly pass.
Dial *123*7#.

Contact us now!

Customer Care 76003555

support@bmobile.com.pg

www.bmobile.com.pg

Get 7 days
UNLIMITED FREE CALLING
Between Bmobile-Vodafone numbers

20 MB
Internet data

10 MIN
Calls to any network in PNG

20 SMS
Text to any network in PNG



Madang no gat envairomen opis – ol stekholda i kros

OL PAPAGRAUN na ol stekholda insait long Ramu Nickel Projek i no amamas olsem Madang provinsal gavman i no gat envairomen yunit o opis bilong en yet long glasim na sekim wok i kamap long bus, graun, wara na solwara long provins.

Maski olsem provins bai lukim planti bikipela ol wok projek developmen bai kamap, em i asua stret olsem gavman long provins i no gat envairomen yunit.

Ol stekholda na ol papagraun insait long Ramu Nickel Projek i sutim tok long MPG bikos em i no kirapim wanpela envairomen opis o unit long provins long wok wantaim ol bikipela kampani long sekim ol wok i kamap long bus, graun, wara na solwara.

Ol dispela lain i autim belhevi bilong ol las wik insait long Ramu Nickel Projek 2015 fes kwata rivi i kamap long Madang.

Planti papagraun i no amamas long provinsal gavman bikos em i bin tokaut pablik long kirapim wanpela envairomen yunit, tasol toktok ol i wokim 7-pela yia i pinis i no karim kaikai.

Siaman bilong Basamuk Lenona Asosesin, Sama Melambo i bin askim kwesten tu long divelopa Ramu NiCo (MCC) long bes-lain sevei na rivi we i save kamap long envairomen. Em i askim sapos i bin gat rivi i kamap o nogat.

Melambo i tok tu olsem kamap bilong envairomen yunit em bikipela samting tru bikos bai i gat lain i makim gavman tu i stap long wok klostu wantaim ol opisa bilong divelopa, Ramu NiCo long sekim ol wok long sait long envairomen na givim stret ripot.

Komyuniti Afes (CA) Jeneral Menesa long Ramu NiCo (MCC), Martin Paining i tokaut olsem i gat bikipela baret nau i stap long wokbung namel long divelopa wantaim Madang provinsal gavman bikos MPG no gat envairomen yunit bilong en, we ol i tok ol bai kamapim insait long las 7-pela yia, tasol no gat kaikai bilong en.

Mista Paining i tok dispela asua bilong Madang provinsal gavman i save kamapim kain kain tingting nogut long bel bilong ol pipel bikos no gat lain bilong gavman i stap wok klostu wantaim ol Helt Sefti na Envairomen opisa bilong Ramu NiCo.

Long las wik wanpela konsalten bilong MPG i wok long toktok planti long kain kain plen na ol driman bilong MPG long miting, tasol ol papagraun i no amamas na bikmaus na wokim kain kain toktok olsem wok stret i mas kamap na no ken stori tumas long plen.

Lidasip trening bilong Gerehu Sekenderi skul

LIDASIP Developmen em i bikipela samting long bildim kantri na em i mas stat wantaim ol sumatin na ol yang-pela taim ol i stap long skul.

"Mipela i statim Lidasip Trening bilong ol sumatin lida long Gerehu Sekenderi Skul long 16 Me, 2015. Edministresen i sapotim dispela inisitiv wantaim het mangi na ol eksekutiv bilong em. Mipela i greduetim 74 sumatin lida na givim ol Lidasip Setifiket na Menuel awat. Em i bikipela samting long redim ol lida bilong bihain wantaim ol infomesen na bihain bai ol kamap ol bikipela lida bilong yumi," Nesenel Dairekta bilong Teseri Sumatin Kristen Felosip (TSCF) PNG, Tom Lepatu i tok.

Mista Lepatu i tok ol gavman lida i toktok long ol gutpela lida bilong kantri, tasol ol lida bai kamap olsem wanem sapos no gat plen long trenim na skulim ol lida bilong bihain.

Em i tok "yumi i nid long redim ol lida bilong tumora nau long wanem taim dispela de i kam, ol bai i redi long karimaut lidasip wok bilong ol na risponsibliti.

"Long yumi long kamap gutpela Kristen lida, mipela mas save long pasin bilong laikim na givim mipela yet long sevis."

Em i tok PNG i mas bihainim Jisas husat i kamap olsem sevan lida.

Em i tok sapos yu gat bikipela nem o luksave long komyniti, ol trupela lida olsem Jisas bai daunim ol yet long sevim ol pipel.

"PNG em i gat planti samting na yumi i nidim ol pipel husat i save long God, na gat gutpela pasin long givim lidasip long olgeta level. Mipela i kisim indipendens tasol mipela i gat lidasip problem yet we i kontribut bikipela long gro na developmen bilong dispela nesen. Ol no lukautim gut ol risos na ol mani bilong yumi long wanem ol gutpela lida mas kamap.

Yumi i nidim ol lida wantaim velyu, prinsipel, driman, integriti, pasin klia, gutpela plen na pasin. Yumi mas save gut olsem long kamap lida em i no biknem tasol em i wanpela wok," MistaLepatu i tok.



Ol pikinini bilong bus bilong Sepik i bilas gut na redi long go skul.

Poto: SIL komynikesen

2015 Pacific Games **TICKET GIVEAWAY!**

Simply do a **FUNDS TRANSFER*** via BSP Mobile Banking during **MAY** to be selected. Customers will be contacted directly with details posted on BSP's Social Media.

TRANSFER FUNDS NOW *131#



20 x general admission double passes plus 2 major passes to be given away weekly.

www.bsp.com.pg f t

* Excludes Funds Transfers between own accounts.



Official Sponsor of the 2015 Pacific Games

Transpot sekta i holim namba 50 miting

PAPUA NIUGINI Transpot Sekta Kodinesen, Monitering na Implementesen Komiti (TSCMIC) i holim namba 50 miting long las wik. TSCMIC em i praimer transpot sekta bilong mekim disisen long PNG.

Nesenel Eksektiv Kaunsel (NEC) i bin kamapim dispela grup long 2006 long go pas long transpot plening na invesmen.

Olgeta het bilong PNG transpot ejensi i memba bilong TSCMIC wantaim ol ejensi het bilong ol sentral ejensi dipatmen.

Seketeri bilong Dipatmen bilong Transpot, Roy Mumu i save lukautim TSCMIC. Long tokaut long gutpela histori bilong TSCMIC, Seketeri Mumu i amamas long tok klia long ol gutpela samting i bin kamap long komiti.

“Wok bung wantaim long 2006 i soim ol gutpela benefit. Dispela sekta i gat Nesenel-Transpot Streteji, Midium Tem Transpot Plen na bikipela samting em i stap long fran bilong redim nesenel baset long ol sekta.

TSCMIC i mekim gut long ol traspot sevis bilong PNG na ol

pipel bilong en long kamapim gut iekonomik na sosal developmen long kantri,” Mista Mumu i tok.

Taim TSCMIC i stat, PNG i lukim treaspot infrastraksa I gro long sapatim iekonomik i go bikipela.

Mista Mumu i tok, “Komiti kisim olgeta ol transpot ejensi long PNG long mipela yet, joinim long plenim ol invesmen, na wok bung wantaim long luksave long salens long mekim gut infrastraksa bilong transpot long PNG em i wok gut na em i mekim velyu bilong mani long gavman na ol pipel bilong yumi.”

AFP i kamapim namba 3 insiden koman trening woksop

POLISING Patnasip bilong PNG-Australia i kamapim namba tri *Insident Koman na Kontrol Sistem Plas* woksop long Pot Mosbi.

Royal Papua Niugini Konstabluri (RPNGC) wantaim Pasifik Gems Sefti na Sekyuriti Komiti Siaman i askim long kamapim dispela longpela ICCS Trening woksop.

Dispela bai i givim ol opisa husat bai wok long ol Gems venu ol gutpela koman kontrol trening long developim ol skil long wok bilong ol long lukautim ol gem.

Sif Suprintenden David Manning i opim woksop long Mande, 11 Me.

Oi RPNGC, PNGDF, na CS bai i givim ol sekyuriti sevis long 2015 Pasifik Gems long Pot Mosbi.

Wanpela opisa long wan wan ogenaísesen bai i karamapim wanpela lidasip



wok long wanpela bilong ol 8-pela Pasifik Gems Venu Koman Senta.

Ol opisa bai wok wantaim long ol venu bilong ol.

Man I go pas long diploimen long PNG, Asisten Komisina Alan Scott, i tok olsem AFP Plening Ed-vaisor Tim bai i wok klostu wantaim RPNGC Plening Tim long helpim long redi wantaim ol ektiviti bilong Pasifik Gems.

“Insident Koman na Kontrol em i bikipela samting long wanpela gutpela Gem. Em bai helpim tu wantaim RPNGC long redi long ol narapela bikipela samting long PNG long ol yia i kam,”

Mista Scott i tok.

Oi Investigesen na Lidasip Speselis Trening yunit bilong AFP i stap long AFP Kolis long Kenbra mekim dispela ICCS Plas trening.

Dispela trening i bikipela na lukluk long developim ICCS Plas, ol samting ol i lainim long ol bikipela insiden i kamap long wol, na putim wanpela hap de ekseisais we i bai givim ol lain i stap insait long prektis wantaim ICCS frem wok.

Tupela namba wan kos bilong Insiden Koman Kontrol Sistem i bin kamap long Februeri. Namba tri trening i stat long Mande 11 Me na i pinis long Fraide 15.

NRI lukluk long prais bilong ol haus long NCD



Dairekta bilong NRI, Dokta Thomas Webster i holim kopi bilong wanpela risets ripot bilong prais bilong ol haus wantaim ol saveman na meri husat i wokim dispela risets.

Poto: Frieda Kana

Frieda Sila Kana i raitim

NESENEL Risets Institiut (NRI) i bin autim ripot bilong wanpela wok painimaut we ol saveman na meri bilong ol i bin wokim long lukim prais bilong ol haus bilong slip insait long Nesenel Kepital Distrik, long las wik.

NRI i bin stat long wokim dispela risets projek long yia 2012 Julai i kam pinis long 2013 Julai em i wanpela yia olgeta. Rot ol i bihainim long kisim ol mak bilong ol prais na stail bilong ol haus em long ol niuspela edvetismen we ol kampani na ol wan wan bisnis lain i putim long wan wan de.

Insait long dispela ripot ol i lukim olsem i gat bikipela senis tru i bin kamap long prais bilong ol haus bilong rent na long ol haus bilong salim we i kamap long dispela taim. Na ol prais i no go daun tasol i kalap i go antap.

Ol i lukim olsem ol ples we bipo long taim bilong koloniel gavman we i gat wanpela haus tasol bilong wanpela famili slip em nau i gat planti haus o yunit we planti famili inap long slip. Em ol kain ples olsem long Boroko, Hohola, Granville na Gerehu.

Ol saveman i lukim olsem maski ol prais bilong ol ples bilong slip i go antap olsem K11,000 long wanpela wik em long hap bilong Daun Taun Pot Mosbi, ol kampani i wok long rentim yet long ol wokman na meri i slip. Ol i ting olsem nau singaut bilong haus bilong slip em i go antap tru.

Mak bilong ol prais i go antap i bin go wantaim kamap bilong LNG Projek long PNG long taim ol i wok long kirapim wok

yet namel long 2012 na 2013.

Sampela eria olsem Bomana, Taurama na Gerehu tu i lukim bikipela senis long planti moa wan wan pipel i wokim ol bikipela haus bilong rent o liklik haus ol i brukim long ol rum bilong rent na ol i putim aut long niuspepa long ol kastoma bai go insait.

I gat tripela bikipela tinting dispela ripot i kamap wantaim olsem; Namba wan, gavman i mas wokim nupela wei bilong plenim ol graun bilong kirapim ol kain kain haus bilong slip. Dispela bai senisim plen we i bin stap long koloniel taim pastaim long indipendens. Namba tu tingting em olsem ‘strata taitel’ sistem i mas kamap we gavman bai makim ol liklik hap graun bilong wanpela haus tasol bilong wanpela famili long stap na givim taitel bilong graun long ol. Dispela we bai em i ken givim moa haus long ol pipel bilong siti na ol i no ken hatwok tumas. Namba tri em ol ting olsem i mas gat ‘Data stendedais sistem’ we Veliua Jeneral i ken gat olgeta tok save we ol pablik i ken lukim na save we ol i ken baim haus o rentim haus olsem.

Bikipela toktok em olsem nau ol pipel i stap long Pot Mosbi siti i painim hatwok long baim haus o graun o rentim haus long slip long mani mak ol i gat long em, bikos ol prais i go antap na gavman i no gat sistem long bosim dispela.

Tingting bilong NRI em long kirapim tok tok long ol kain hevi olsem we ol i laikim ol pablik na ol saveman na gavman long toktok na bai stretim ol kain hevi olsem.

Biabia

Memba Biabia i ringim Benk bilong em long trenferim sampela fan i go long Bisinis akaun bilong em...

Yes, MP Biabia hia.. plis transfe K2 milien long DSIP akaun i go long Bisinis akaun bilong mi..bai mi salim ol ditels i kam bihain...

Mi go holid long Cairns pastaim..yess!

Er, MP Biabia, Yu nidim atoriti leta bilong Fainens long kisim tokorait, tambu lon...

JUST STRETIM TASOL!!!
Bai mi salim ol pepa wok i kam wantaim sekreteri bilong mi!!

Oke! Oke! Mi stretim nau.

ONLAIN BENKING

Mande nau Biabia em lus i go long Cairns na pinisim laik gut tru long hap. 2-pela mun olgeta em stap long hap...

Em nau!..Lus tingting long PNG pastaim..rileks..gut taim.. Bihain mi go long kasino na tromoi sampela keshh long hap.. yess!!

Bihain long 2-pela mun long ovasis, Biabia em kambek..Long ples balus ol Tas-Fos Sweep i wetim em...

Welkam bek memba! Sori long distebim araiwal bilong yu..tasol mi gat warant of arest long misyus of Pablik moni, na miskondak of opis...

Tasol?.. inap mi kisim loya bilong mi?...

UNFPA kirapim tingting bilong yut long resis long ileksen

MAXIMILLIAN Bong i amamas na sindaun soim kenidet t-siot bilong long kempein bilong 2015 Bogenvil Ileksen.

Em i wanpela bikpela pes man insait long ples Gogohe ausait tasol long Buka taun.

Taim hevi bilong Panguna Main i kamap long 1989 na i stap inap long 1990, Maximillian i bin 13 krismas tasol taim hevi i bin pinis, bikpela wari long ol pipel i bin stap yet.

“Mipela i kamap insait long taim bilong hevi na mipela i no inap long kisim wankain edukesen olsem ol sampela narapela yangpela lain wankain olsem mipela long PNG. Mipela i misaut long lainim ol rait mipela i gat,” Maxmillian i tingim bek.

“Long taim pait i pinis mipela i no gat bilip long gavman, bikos i no gat wok i ples klia na ol i no lukautim gut ol yangpela lain,” Maxmillian i tok.

Ol ripot we Yunaitet Nesen Populesen Fan (UNFPA) i bungim em i soim olsem klostu long 60 pesen bilong populesen bilong Papua

Niugini i gat krismas i stap aninit long 25 yia. Strongim yut lidasip na wok bung wantaim em i namba wan wok bilong UNFPA long rijon.

Long Bogenvil, UNFPA i givim fainensel na teknikel sapot long ol yangpela pikinini na yut husat i stap long wok bilong kamapim ol netwok na ogensaisesen bilong toktok long rait bilong ol pipel.

Ol yangela manmeri bilong Bogenvil i wok long lainim sampela tingting bilong wok politik bilong kamapim nupela Bogenvil gen. Long 2013, UNFPA, wantaim wokbung bilong PNG Nesenel Yut Komisen na Atonomas Bogenvil Dipatmen bilong Komyuniti Dvelopmen, i wokim wanpela giaman Yut Palamen.


Tingting bilong dispela em long mekim ples klia ol hevi we i bungim ol yut long rijon na long givim taim long ol i ken autim tingting bilong ol. Dispela namba wan kain pilai i givim ol sampela save long ol wok bilong palamen na ol sistem na straksa i stap long helpim ol long mekim wok long politik.

Long dispela mun, Bogenvil i holim ileksen na dispela ileksen bai kamapim wanpela gavman we bai go pas long ol pipel long ailan long rot i go long referendum long kisim indipendens long PNG.

Maximillian i wok long resis olsem wanpela kenidet long makim ol pipel bilong Haku konstituensi long Not Bogenvil. Em i kisim save long politik, bel kirap long mekim wok na strongpela tingting long em yet long taim em i bin go insait long Mok Yut Palamen bilong UNFPA.

Maximillian na ol wanlain bilong em i lukim nupela sapta i op long Bogenvil wantaim bikpela moa wok bilong lukautim ol samting bilong Gavman bilong Bogenvil. Em i laikim olsem ol yangpela pipel long ples i mas kisim edukesen na kisim wok na gutpela helt kea sevis olsem ol narapela long ol bikpela siti insait long kantri.

Olsem na em i tok, “Taim mipela i putim moa sevis long ol yangpela pipel bilong Bogenvil, em mipela i ken wok long holim bel isi na gutpela sindaun bilong ol lain pikinini na tumbuna i kam bihain.”



Maximillian Bong bai resis long 2015 Jeneral Ileksen long Bogenvil wantaim save em i kisim long UNFPA Mok Yut Palamen (Poto: Bec Hudson Photography)

Banu komyuniti kisim nupela wara saplai

OL PIPEL bilong Banu husat i save stap daunbilo long Kurumbukari maunten long Usinobundi distrik long Madang provins i no long taim i go pinis i bin kisim wanpela nupela wara

sapalai projek long helpim sindaun bilong ol.

Dispela nupela wara sapalai projek em divelopa, Ramu NiCo Menesmen (MCC) i wokim kamap long helpim ol pipel insait



Ol lain long Banu i dring wara long nupela wara saplai.



Maximillian, Paul na Juliette i toktok long rot bilong kempein long ples bilong ol Gogohe., Maximillian soim kenidet t-siot bilong long kempein. (Poto: Bec Hudson Photography)

long Banu komyuniti.

Ol pipel long Banu komyuniti pas-taim i save yusim ol baret wara we i go olsem long Ramu riva long dring, kukim kaikai na waswas na tu wasim klos bilong ol. Tasol long taim Ramu i save tait, wara i save doti na i no gutpela long yusim.

Ramu NiCo Menesmen (MCC) i luksave long hevi na krai bilong dispela komyuniti long Banu olsem na Helt, Sefti na Envairomen (HSE) na Komyuniti Afes (CA) Dipatmen bilong en i stretim rot long bringim wara saplai i go long ol.

Dispela i kamap bihain long Ramu NiCo (MCC) bikpela divelopa bilong nikel/kobalt main long KBK i luksave long hevi na wari bilong ol pipel long Banu na i wokim nupela wara saplai projek bilong ol.

Ramu NiCo (MCC) i helpim long wokim dispela wara projek bilong ol pipel long Banu em kos K29,100. Wara i kam olsem long maunten i go daun long ples long ol pipel i ken yusim.

Dispela wara saplai bai helpim moa long 400 pipel na tu ol arapela

lain husat i save kam olsem long Karani, Ainangri, Daunagar na Enekuai husat i save stop na malolo long Banu long wetim komyuniti bas sevis long go long ples.

Wok i stat long wokim kamap dispela nupela wara saplai projek bilong ol long mun Mas 2015 na i bin pinis insait long wanpela mun tasol long mun Epril. Tude ol pipel i stat long yusim wara i kam long dispela nupela wara saplai.

Peter Tigavu, wanpela man bilong Banu i tok em i amamas long Ramu Nikel Projek i givim dispela nupela wara saplai long ol.

PIH Saveman Nius

"I kam long Pacific International Hospital Port Moresby"

Ph: 311 3000/ Ph: 323 4400 Textline 7155 8866 Website: www.pih.com.pg

DIABETES-THE LETHAL RISK FACTOR FOR HEART DISEASE

Dr. O. P. Sharma,
Medical Director – Pacific International Hospital
Chief Cardiac Thoracic & Vascular Surgeon

The following statistics speak loud and clear that there is a strong correlation between cardiovascular (Heart) disease (CVD) and diabetes.

Heart diseases and stroke are the No.1 causes of death and disability among people with type 2 diabetes (Diabetes at older age). Type 2 diabetes usually begins with insulin resistance which means that the body can't properly use the insulin it makes. People who have type 2 diabetes and insulin resistance have higher levels of substances in the blood that cause blood clots that can block the coronary arteries and cause a heart attack or even death.

In fact, at least 65 percent of people with diabetes die from some form of heart disease or stroke.

Diabetic adults are two to four times more likely to have heart disease or a stroke than adults without diabetes.

The American Heart Association considers diabetes to be one of the seven major controllable risk factors for cardiovascular disease.

Diabetes is a disease in which the body's blood glucose (sugar) level is too high. The two main types are type 1 where the body doesn't make enough insulin. This causes the body's blood sugar level to rise.

In type 2, the body's cells don't use insulin properly (insulin resistance).



The term "diabetic heart disease" (DHD) refers to heart conditions that develop in diabetics.

DHD may include coronary heart disease (CHD, disease of the heart arteries), heart failure, and/or diabetic cardiomyopathy (enlargement of the heart).

Coronary Heart Disease-a waxy substance called plaque builds up inside the coronary arteries which supply your heart muscle with oxygen-rich blood.

Plaque is made up of fat, cholesterol, calcium, and other substances found in the blood. This condition is called atherosclerosis.

Plaque narrows the coronary arteries



ies and reduces blood flow to your heart muscle. The build-up also makes it more likely that blood clots will form in your arteries which can partially or completely block blood flow.

Heart Failure is a condition in which your heart can't pump enough blood to meet your body's needs. The term "heart failure" doesn't mean your heart has stopped or is about to stop working.

Diabetic Cardiomyopathy (enlargement of the heart) is a disease that damages the structure and function of the heart. This disease can lead to heart failure and arrhythmias, even in people who have diabetes but don't have CHD.

Signs and Symptoms of DHD- Some people who have diabetic heart disease (DHD) may have no signs or symptoms of heart disease. This is called "silent" heart disease. Diabetes-related nerve damage that

blunts heart pain may explain why symptoms aren't noticed.

Coronary Heart Disease-A common symptom is angina. Angina is chest pain or discomfort that occurs if your heart muscle doesn't get enough oxygen-rich blood. Angina may feel like pressure or squeezing in your chest. You also may feel it in your shoulders, arms, neck, jaw, or back. The pain tends to get worse with activity and go away with rest.

Other CHD signs and symptoms include nausea (feeling sick to your stomach), fatigue (tiredness), shortness of breath, sweating, light-headedness, and weakness.

Heart Failure

The most common symptoms of heart failure are shortness of breath or trouble breathing, fatigue, and swelling in the ankles, feet, legs, abdomen, and veins in your neck. As the heart weakens, symptoms worsen.

Diabetic Cardiomyopathy

Diabetic cardiomyopathy may not cause symptoms in its early stages. Later, you may have weakness, shortness of breath, a severe cough, fatigue, and swelling of the legs and feet.

How Is DHD Diagnosed?

Your doctor will diagnose diabetic heart disease (DHD) based on your signs and symptoms, medical and family histories, a physical exam, and results from tests and procedures.

Tests-Initially, your doctor may recommend one or more of the following tests.

Blood Tests to check the levels of certain fats, cholesterol, sugar, and proteins in your blood. Abnormal levels of these substances may show that you're at risk for DHD.

Chest X-Ray

Electrocardiogram

Stress Test-you exercise (walk or run on a treadmill or pedal a bicycle) to make your heart work hard and beat fast. If you can't exercise, you may be given medicine to raise your heart rate.

Other Procedures-The cardiologist may recommend other tests or procedures like Heart Angiography to get more detailed information about the nature and extent of your DHD.

DHD is treated with lifestyle changes, medicines, and medical procedures.

Maintaining a Healthy Weight Being Physically Active Managing Stress

Medicines can help control blood sugar levels, lower blood pressure, reduce the risk of blood clots, improve blood cholesterol levels and treat angina symptoms.

Medical Procedures-The type of procedure will depend on the type of heart disease you have.

Both percutaneous coronary intervention (PCI), commonly known as angioplasty, and coronary artery bypass grafting (CABG) are used to treat coronary heart disease (CHD). Both of these procedures improve blood flow to your heart. Angioplasty also can relieve chest pain. CABG can relieve chest pain and may help prevent a heart attack.

If you have heart damage and se-

vere heart failure symptoms, your doctor may recommend a cardiac resynchronization therapy (CRT) device or an implantable cardioverter defibrillator (ICD).

A CRT device is a type of pacemaker. It is a small device that helps control abnormal heart rhythms. It's placed under the skin of the chest or abdomen and helps the heart's lower chambers contract at the same time, which may decrease heart failure symptoms.

An ICD is similar to a pacemaker. It is a small device placed under the skin of the chest or abdomen and uses electrical pulses or shocks to help control dangerous heart rhythms.

Heart Attack Prevention-Doctors may recommend aspirin for people with diabetes who are at increased risk for heart disease and heart attack. Taken each day, low-dose aspirin (100 mg/day) may prevent blood clots that can lead to a heart attack.

Blood Sugar Control-Controlling blood sugar levels is good for heart health.

Early treatment can prevent or limit damage to the heart muscle. Have friends or family drive you to the hospital or call an ambulance so that medical personnel can begin life-saving treatment on the way to the emergency room.

Pacific International Hospital offers an advanced and comprehensive Heart facility for early diagnosis of diabetes and heart related problems, as well as a seasoned Cardiology, Cardio thoracic & vascular surgery team.

Our fulltime cardiologist Dr. Ronald Galicio specializes in diagnostic & preventive cardiac medicine while visiting Interventional cardiologists Dr. Richard Chan (Cairns Private Hospital) & Dr. Vineet Shankla (CIMS Hospital, India) can perform Angiograms & Angioplasties in PNG's first Cath-Lab here at PIH.

Our Cardio Thoracic and Vascular surgery team ably lead by Dr. O. P. Sharma, who has more than 6000 cardiac surgeries under his belt, will execute cardiac surgeries such as CABG, ASD, Valve replacement, Arterial and Venous grafts and PDA.

There is a 7-bed Intensive Care Unit (ICU) & 2-bed Coronary Care unit for acute emergencies.



Now in PNG..the country's first Retina Surgeon

3-Mile Specialist Clinics, 3-Mile Hill, Taurama Road, Port Moresby

Advance Equipment for better diagnosis:

- OCT (Optical Coherence Tomography) to study optic nerve and retina.
- FA (Fluorescein retinal Angiography for diabetic and other retinal vascular diseases)
- A/B Scan (Eye Ultrasound) for more precise diagnosis of posterior segment of the eye
- AUTO R/K Automated Refraction and Keratometry

Procedures for better outcome:

- RETINA LASER for diabetic and other retinopathies
- YAG LASER capsulotomy (for after cataract haze)
- Cryotherapy (cryo-treatment)
- Intravitreal Injection for Diabetes

Tel. 311-3000
email:
pihopd@gmail.com
text to 7155-8866

Edukesen em i bikpela samting

...Rabaul ITI sumatin kisim skul fi helpim

Michael Novingu i raitim

Edukesen em i bikpela samting bai kirapim gutpela sindaun long famili, komyuniti na kantri.

Joe Meava em Eksekutiv Opisa bilong memba bilong Gesel na Minista bilong Haia Edukesen, Saiens na Teknoloji, Malakai Tabar, i makim maus bilong memba na i mekim dispela toktok bihain em i

givim K5400.00 long sponsaim ol sumatin bilong Gesel Distrik i skul long Intenesenel Trening Institut (ITI) long Rabaul.

Mista Meava i tok edukesen em i bikpela samting long laip bilong yumi.

Em i tok em i makim maus bilong Minista Tabar na tok em i amamas long givim i go long ol sumatin we bai helpim ol long sait bilong ol skul fi bilong ol.

Em i tokim ol sumatin olsem no ken larim nating save ol i kisim, tasol ol i mas yusim long mekim wok long apim ikonomi bilong Is Nu Briten na kantri wantaim.

Gesel Distrik i helpim sponsaim ol sumatin bilong distrik i go skul long ITI Mosbi, Kimbe, Lae na nau long Rabaul, Mista Meava i tok.

Em i tok Gesel Distrik i helpim sponsaim ol sumatin bilong ol i go skul long ol arapela bikpela skul in-

sait long kantri.

Em i tokim ol sumatin long wok hat na pinisim ol skul bilong ol.

Em i tokim ol long no ken wokim pasin no gut na ol bai lusim skul na bagarapim sindaun bilong ol.

Mista Meava i tokim ol sumatin bilong Gesel Distrik olsem distrik bai helpim long peim ol skul fi bilong ol long 2016 na ol krismas i kam.

Long wankain taim, bosman bilong ITI long Rabaul, Michael Novingu i tok tenkyu long Mista Tabar long helpim peim ol skul fi bilong ol sumatin bilong em i kam skul long ITI Rabaul.

Mista Novingu i tok m ITI bai wok bung wantaim Gesel Distrik long lukim ol sumatin i pinisim gut ol skul bilong ol, na kisim wok long helpim sindaun bilong ol long bihain taim.

UPNG i gat nupela sumatin prinsop

OL Sumatin Representiv Kaunsel (SRC) long Yuni- vesiti ov Papua Niugini (UPNG) na kampani i save kukim kaikai bilong Yuni- vesiti, Ipili Pogera Inves- men (iPi) i bung wantaim long wanpela entre- prunasip program long opim "Sumatin Prinsop".

SRC i givim wanpela kompiuta na ol digital kopia, na iPi Katering i givim wan- pela bailing masin na ol

konsubel, na tu kapitol bi- long wok aninit long wan- pela join agrimen.

Dispela prinsop bai op- eret long 1p.m. long avinun inap 9p.m long nait long wan wan de long givim ol sumatin wantaim liklik prais long printim blek na wait, na poto kopi long kala na ol bailing fesiliti long helpim long mekim ol asaignmen na ol narapela akedemik pepa.

Long dispel, win mani o profit bilong dispel patnasip bai ol i serim long hap long wanem em i hap bilong en- traprunasip program we i inisitiv bilong Pro Vais- Sensela, Profesa Subba Rao.

Vais Sensela bilong UPNG, Profesa Albert Mel- lam bai i opim dispel printsop o stoa bilong prin long tumoro moning.



Presiden bilong UPNG, Roy Cornelius (raithan), i sikanim Profesa Pulapa Subba Rao (lephan) taim Pojek Menesa bilong iPi, Peter Denmead i lukluk long wanpela bilong bung we ol i skelim winmani bilong liklik stoa long dispel patnasip.



Papua Niugini NESENEL AIDENTITI PROJEK



Gutpela bilong yu gat Nesenel ID Kat bilong yu yet



- ▶ Em isi long putim nem bilong pikinini bilong yu long skul.
- ▶ Yu inap kisim helpim bilong gavman long baim skul fi.

"Yu mas Rejista nau na stap insait"

Depatman bilong Nesenal Plening i go pas long dispela





PNGSDP Ltd tokaut long 2014 wok bilong mani

Kampani mekim bikipela wok long daunim ol kos maski insait long hatpela taim. Longpela Taim Fan i stap seif yet insait long strongpela banis na i soim liklik mani mak i go antap.

PNGSDP i tokaut pinis long wok bilong mani bilong en long yia 2014, bihainim Memorandu na ol Atikel bilong Asosiesen na ol Lo bilong Program, na ol lo bilong Singapore, we kampani i rejista olsem wanpela kampani.

Ol 2014 Enuel Ripot i soim olsem kampani i wok long hatpela taim we PNGSDP i bin bungim insait long yia, bikos long wanem samting Gavman bilog Papua Niugini mekim we em i brukim lo long em i rausim ol 63.4 pesen papa long sea bilong Ok Tedi Maining Limited long Septemba 2013 na i no baim kompensesen long dispela.

Tasol maski ol dispela hevi i stap, 2014 akaun i soim olsem mani mak bilong Longpela Taim Fan i stap strongim tasol long mak bilong \$US1.29 bilien (K3.4 bilien). Mani mak bilong Longpela Taim Fan i go antap liklik tasol long \$US1.295 bilien long 2013 i go long US\$1.299 bilien.

Dispela i wankain long wanpela liklik mak i go antap long K3.18 bilien i go long K3.4 bilien. Sir Mekere i tok ol dispela namba i soim olsem PNGSDP i lukautim gut wok bilong mani na i menesim ples klia ol mani we i stap long han bilong en.

Ol mani bilong Longpela Taim Fan i stap seif yet insait long strongpela banis long han bilong PNGSDP na ol bai yusim long helpim ol pipel bilong Westen Provins inap 40 yia moa bihain long main i pas. PNGSDP i wok long painim yet ol gutpela we bilong yusim gut ol mani insait long Longpela Taim Fan, na long wankain taim em i was gut long em i no ken putim mani go insait long ol bisnis we mani ken go lus o bagarap.

PNGSDP i wok long lukluk yet long stretim ol nupela hevi we i kam antap long en taim Gavman i rausim nating ol sea bilong en long OTML na i no putim sampela kompensesen.

Em i wok long daunim yet namba bilong ol wokman na wokmeri long katim kos i go daun inap long wanpela yia olgeta. Bod na menesmen i winim mak long daunim ol kos bilong kampani olsem:

Edministretiv kos i go daun long 47 pesen lusim mak bilong \$US26.8 milien (K62.4 milien) long 2013 i go long \$US14.2 milien (KK36.8 milien). Gavanens kos tu i go daun inap long wanpela bilong tripela hap long \$US1.6 milien (K4.1 milien), we em i soim hap bilong 10 pesen bilong ol fi bilong ol dairekta i go daun. Edministresen kos i go daun long \$US12.6 milien (K25.6 milien), nae m i soim hap bilong ol pe bilong ol wokman na wokmeri na long katim ol pe). Mak bilong olgeta kos i go daun em i stap long \$US174.2 milien (K411.1 milien) long 2013 i golong \$US20.5 milien (K53.1 milien) long pinis bilong 2014.

Ol mani we kampani yusim long kot wantaim Stet bilong Papua Niugini em i go yet.

Intenesenel Senta bilong Setelmen bilong Invesmen Dispiut i no longtaim i go pinis, i bin luksave olsem em i no gat pawa long harim kot bilong kampani i putim singaut long kompensesen bilong ol OTML sea we gavman i rausim nating long PNGSDP.

Dispela Traibiunal i tok klia, olsem disisen bilong pawa bilong harim kot i no soim olsem kampani gat rait long singaut long dispela kompensesen olsem na PNGSDP i wok long skelim gut gen ol narapela rot i stap long em i ken bihainim.

PNGSDP i stap yet long mekim ol wok long kamapim gutpela bilong kampani na ol pipel bilong Westen Provins.

Mekere Morauta, KCMG
Siaman

Yu ken lukim tu 2014 Enuel Ripot taim yu taipim ol dispela link long brausa:
<https://www.dropbox.com/sh/tn2nwo3ojnkn69/AADto1q1p2KzTnDtMvJK4YNa?dl=0>



2015 Mis PNG wokabaut long Nesenel Haus Krai

GRACE Nugi, 2015 Miss PNG kenidet bilong Goroka, i bin go pas na tu wokabaut long fran lain bilong wanpela bikipela wokabaut we i bin kamap long Goroka taun long las wik Fraide bilong makim 2015 Nesenel Haus Krai de.

KEPARI Leniata em i wanpela meri husat i bin dai long han bilong ol man long pablik na i no gat man o meri i bin traim long stopim dispela pasin nogut i bin kamap ausait long Maun Hagen taun sampela yia i go pinis.

Tupela yia i go pinis ol meri long PNG i bin kamapim Nesenel Haus Krai de bilong tingim kain dai we Kepari Leniata i bin bungim long han bilong ol man.

Mis PNG 2015 wantaim sampela meri, ol yangpela gel na sampela man i bin wokabaut long ol bikipela rot bilong Goroka taun long soim olsem ol i no laikim pasin bilong bagarapim na birua long ol meri.

Bikipela tok bilong wokabaut em, "Yumi mas daunim pasin bilong bagarapim meri". Dispela grup i wokabaut long ol rot bilong Goroka taun wantaim ol rait long ol posta na singaut long stopim pasin bilong birua na bagarapim ol meri.

Miss Nugi i tok tenkyu long ol sponsa bilong dispela wokabaut olsem, Red Kros Sosaiti, Isten Hailans Famili Vois, Papindo Supermarket, Komyuniti Skil na Trening Senta, Wildlife Konsevesen Sosaiti,

Edukesen Dipatmen, the Royol Konstabuleri, Sam Akeke, Kafe Meri Sosaiti, Goroka Teknikel Skul na ol narapela long sapotim dispela gutpela samting.

"As tingting bilong mi resis long Mis PNG kontes em long kamapim luksave long pasin bilong bagarapim na birua long meri na long mekim senis long pasin bilong yumi," Mis Nugi tok.

Em i tok moa olsem dispela wokabaut bai mekim bikipela senis bilong wanem i gat narapela 11-pela siti long Papua Niugini, Washington na Australia i mekim dispela luksave wokabaut tu.

Man i go pas long dispela wokabaut, Arthur Hane'Nou i tokim ol lain i wokabaut olsem stori bilong Leniata i bin stat long yia 2013 long mekim ol pipel na gavman i luksave long hevi bilong Famili na Seksual Vailens long komyuniti na haus lain bilong yumi long PNG.

"Famili em i as bilong sosaiti. Olsem na dispela gutpela wok i nidim sapot. Mipela i toktok long dispela samting, mekim singsing long em na singaut bikipela long en. Gutpela toktok i mas kamap long olgeta lain i ken wok bung wantaim," Mista Hane'Nou i tok.

"Na yusim midia na kisim ol man i kam insait long soim gutpela piksa em i gutpela sain long dispela wok," em i tok.

Toksave i kamapim gutpela save

Tony Sapan i raitim

TOKSAVE long ol hevi i kamap long ol pipel insait long Wod 6 bilong Ni-mamar Lokel Level Gavman (LLG) i skulim ol pipel insait long wod long we na wanem ol i ken mekim long stretim ol dispela hevi long gutpela bilong komyuniti bilong ol.

Ol i bin ranim ol toksave long as toktok, wok wantaim insait long edukesen, ol lida, tisa na nes bilong Palle Praimeri Skul na Palle Helt Senta long mun i go pinis long Palle Vokesenel Senta, Pangoh na Ulen-long.

Ol i tokaut long ol dispela hevi na i givim ol we na wanem samting pipel insait long ol dispela komyuniti i ken mekim long gutpela bilong ol wan wan komyuniti bilong ol.

Dispela toksave em i kamap long

laik bilong memba bilong Wod 6, Ignatius Raka na i karamapim edukesen, helt, sios, kalsa na lo na oda long lukautim pasin bilong ol pipel long ol samting ol i mekim i gutpela taim i kamap long komyuniti.

Mista Gabriel Kondiak i bin go pas long program i tok ol wok na wanem ol papa/mama, sumatin na tisa i ken mekim olsem as bilong ol senis insait long edukesen em ol samting we ol i bin ol tok tok long en long ol dispela toksave.

Ol i toksave tu long ol pipel long LSDP, ol samting lokel level gavman i gat olsem ol haus na opis, pis na oda insait long komyuniti.

Ol hevi i ken kamap long laip bilong ol na hevi long mani i ken kamap long rot ol i mekim ol samting we i ken kamapim hevi insait long komyuniti.

Riviu bilong dispela wik

Ensin bilong balus i bin bagarap

Dispela balus i bin kisim bagarap long Goroka ples pas las Sande i bin gat trabel long ensin bilong en. Ripot bilong Eksiden Investigeting Komisn i bin tokaut long dispela. Sif Eksektiv bilong Komisn i go long Goroka long dispela wik long toktok wantaim pailot bilong dispela balus. Sif Komisn i tok ol i wetim yet ol arapela wok painim olsem na bai em i no inap long toktok moa long dispela birua. Em i singaut long ol opereta bilong ol balus long givim olgeta trenning bilong ol pailot aninit long lo bilong Sivil Eviesen.

Tripela moa nupela jas

Ol tripela moa nupela jas i kisim wok nau long harim kot long kantri. Ol jas ya em Frazer Pipit, Hitelai Polume Kiele na Kenneth Frank. Gavman i tok orait tu long ol tripela jas, Jastis George Manuhu, Allan David na eking jas Leka Nablu long mekim wok bilong jas. Dispela i bringim namba bilong ol jas long kantri i go antap long 37.

ELC-Simbu district wokmisin long Bundi Madang

SIOS wok i no slip, i no dai, i no lus, em i stap na sanap strong yet na bai go yet long olgeta hap bilong dispela graun.

Evanjelikal Lutheran Sios, Simbu District Wokmeri Kodineta, Mis Agnes Gabbe i tok olsem, moa long 50 meri bai go mekim wok misin long Bundi, long hap bilong Madang Provins, boda mak i stap long Maunten Wilhelm.

"Long mak bilong gavman, Bundi em i stap aninit long Madang, tasol long mak bilong wok, Bundi i stap olsem wok misin eria bilong Evanjelikal Lutheran Sios-Simbu District," Mis Gabbe i tok.

"Tok bilong God bai no inap pinis, i no inap stop, o lus. Tok bai go yet long ol manmeri i stap long taun, long bus, maunten, we i gat rot na no gat rot," em i tok.

Bundi em i wanpela ples we bipo long 1950, Gutnius bilong

God i kam long nambis na i stap long Madang, ol misinari i kam long dispela rot long Bundi i go daun long Simbu, em Mama sios Katolik na long Lutheran sios tu.

Tasol wok na luksave na mekim olgeta wok, Simbu i salim ol evanjelis bilong bipo na ol pasto bilong Simbu i go wok misin na kirapim Bundi. Dispela ples Bundi eria em Simbu i kamapim wok misin na strongim wok bilong Lutheran sios long Bundi i kam inap nau.

"Mipela i gat Bundi em namel long Simbu na Madang, Daulo Pas em Simbu na Goroka na Wabo Poroi long Kerema, Galp provins na Simbu Boda," Mis Gabbe i tok.

Dispela tripela boda em bikipela na namel ples we gavman na sevis i no save i go long ol na tu long ol luksave long lukatutim na givim sevis.

Lutheran sios long Simbu i gat bikipela

luksave na i no save lus tingting na givim baksait long ol manmeri bilong God i stap long dispela kain ples.

Mis Gabbe i tok, "mipela mama long Simbu i no save lus tingting, mipela i gat taim tebol, program na plen long olgeta yia long i go long lukim ol, strongim ol long tok bilong God, stap wantaim ol, sampela luksave long sindaun bilong ol, ol arapela wok bilong strongim bodi, tingting, na long spirit.

Long dispela mun Mei de 20 i go 28 bai i gat bikipela grup bilong Simbu mama i go long Bundi, abrusim maunten Wilhelm na i stap wanpela wik olgeta insait long Bundi eria, Mondia pas na i go daun long Bundi na i go long Brahmen..

Wankain wok na long dispela yia, bai ol mama Simbu i go long Wanboporoi long Kerema, Galp provins. Long mun Novemba long dispela yia.



Ol mama i danis na putim aitem long mama De long Goroka.

Ol mama i spesel

Lorraine Basse
i raitim

MAMA de selebresen long Goroka, Isten Hailans i bin kamap long Yunaitet Sios graun long Me 8 yet, we olgeta mama bilong ol bikipela mama sios i kam long selebretim mama de.

Presiden bilong ol bikipela sios long Goroka, Cathy Kilau i bin go pas long dispela selebresen na ol kain kain mama bilong ples, taun

na bilong kain kain lotu i bin kamap long dispela bung.

"Mi amamas tru long dispela bung we mipela olgeta i kam bung wantaim. Tude em i de bilong amamas bilong mipela olgeta mama. Em i bilong yupela husat i no save long bon de bilong yupela. Plis kam wantaim na yumi selebretim mama de," Misis Kilau i tok.

Misis Kilau i mekim luksave long ol wanwok bilong em i kam stap tu olsem, Isten Hailans

Wimens Kaunsil olsem Presiden, Jenny Gunurei, Hailans Rijonal Katolik Wimen Presiden, Josepha Wim na Presiden bilong Katolik Wimen Federeesen, Maria Kumo.

Em i tok moa olsem ol meri i mas holim han wantaim long kamapim gutpela komyuniti na sosaiti bilong olgeta.

Yunaitet Sios Reveren Raka liga i tokim ol mama olsem ol i gat hat long laikim ol narapela na ol save gat hat long kea na sevis bilong narapela.



Word Publishing Company Limited

P. O. Box 1982, Boroko, NCD, PNG. Tel: (675) 325 2500 Fax: (675) 325 2579

Email: word@wantok.com.pg

NOTICE OF ANNUAL GENERAL BUSINESS MEETING

Notice is hereby given that the Annual General Business Meeting of Shareholders of Word Publishing Company Limited will be held at the company office, Top Floor, Section 58 Lot 02, Able Computing Building Complex, Waigani Drive, NCD, Papua New Guinea on Friday 5th June 2015, commencing at 9:00am.

ORDINARY BUSINESS

1. Financial Statements

To receive and consider the Financial Statements; and the reports of the Directors and Auditors for the period ended 31 December 2014.

2. Directors

Election of Directors:

Rev Sommy Setu retires by rotation in accordance with the Company's Constitution and being eligible, offers himself for re-election.

Fr Denny Guka retires by rotation in accordance with the Company's Constitution and being eligible, offers himself for re-election.

Fr Janusz Skotniczny, SVD retires by rotation in accordance with the Company's Constitution and being eligible, offers himself for re-election.

Following is the current list of directors and when their terms end;

Bishop Francesco Sarego, SVD term ends 2017

Rev Bernard Siai	term ends 2016	alternate, Mr Uvenama Rova
Fr Paul Liwun SVD	term ends 2016	
Rev Sommy Setu	term ends 2015	
Mr Lawrence Stephens	term ends 2017	
Fr Denny Guka	term ends 2015	alternate, Mr Amos Misirait
Fr Janusz Skotniczny, SVD	term ends 2015	
Fr Joseph Maciolek, SVD	term ends 2017	

3. Appointment of Auditors

Kapi & Clarke Chartered Accounts, the auditors for the past year, being eligible; offer themselves for re-appointment as auditors of the Company.

4. Any other business of which notice is given.

Dated this 21st Day of May 2015

By Order of the Board,

Elizabeth Konga,
Company Secretary.

Publisher of:



WANTOK

Today

Kriket PNG i sapotim Kensa Faundesen long stopim kensa long PNG

KRIKET PNG i stap sambai long sapotim Kensa Faundesen long putim toksave olsem, kensa em i bikipela wari tru bi-long yumi ol pipel.

Jeneral Menesa bilong Kriket PNG, Mista Greg Cambell, i tokaut taim ol i stap long moning kaikai olsem em i gat bikipela amamas tru long sapotim Kensa Faundesen na wok bung wantaim long stopim kensa bai i kamap bikipela moa.

Gem em i wanpela bikipela rot wei kensa bai i no inap kamap long bodi bilong yumi, long wanem, taim yu pilai, i tambu tru long smok, kaikai buai o dring bia, na em ol tripela rot ol man na meri save kisim sik kensa.

Sif Eksekutiv Opisa bilong Kensa Faundesen, Dadi Toka Junior i tok olsem yumi mas lukautim yumi yet long kensa na tu em i gat bikipela amamas long mekim patanasip wantaim Kriket PNG long em bai strongim awenes long kantri.

CPNG kamapim wantaim k1,150.45 bilong helpim kensa Faundesen long dispela taim.



CEO bilong PNG Kensa Faundesen, Dadi Toka Jnr wantain kepten bilong PNG Bar-ramundi Kriket Klap, Jack Wave na Kimbra Campell (meri bilong CPNG jeneral Menesa) long taim bilong moning kaikai. Foto: PNG Kriket Asosiesen

Ol meri PNG i go long bikipela woksop long Amerika

TRIPLELA meri PNG i go pinis long Washington DC long Yunaited Stets bilong Amerika (USA) long kisim trening bi-long ol meri lida long bisnis, wantaim helpim bilong ExxonMobil PNG.

Dispela tripela meri em Dianne Kambanei, Ek-sekyutiv Dairekta bilong Yangpela Meri Kristen Asosiesen (YWCA) long PNG i makim Nesenel Kepital Distrik, Doreka Gari Dai, bilong Boera Meri Asosiesen, husat i gat wanpela gutpela projek bilong samap i makim Sentral Provins na Janet Mbuda, Deputi Het tisa bi-long Malanda Praimeri Skul long Komo i makim Hela Provins.

Ol i statim woksop long dispela wik Mande 18 Me na bai pinis long Jun 12 dispela yia.

Ol Plan Intenesenel USA i ranim dispela program. Narapela nem bi-long dispela ogenaiesen em Global Wimen in Menesmen (GWIM). Mani bilong wokim dispela program i kam aninit long ExxonMobil's Ikonmik Oportuniti Inise-



Mista Barry i sanap wantaim tripela meri pastaim long ol i go long USA long las wik.

tiv bilong ol Meri, long lainim ol meri bilong ol yangpela kantri olsem Papua Niugini.

Insait long woksop, ol meri bai lainim we bilong givim stia long ol narapela, we bilong toktok na salim ol toksave i go i kam, we bilong mekim gutpela netwok long kamapim moa wok long strongim ikonimi wok bi-long ol meri insait long komyuniti.

"Mi tingting long save gut na bai mi lainim ol wokman na meri insait long wokples bilong mi wantaim save mi lainim long dispela trening," Dianne Kambanei i tok.

"Woksop i givim mipela sans long senisim ol aidia, save bilong wok na eks-pirians na wanem ol gutpela wok kamap long hap bilong mipela, wantaim ol narapela meri lida bilong ol narapela komyuniti long mipela i ken mekim senis long ples bilong mipela bi-hain," Doreka Gari Dai i tok.

Janet Mbuda i tok em i gat bikepla laik long bringim bek wanem samting em i lainim, i go bek long komyuniti bilong em long helpim ol meri na strongim tingting bilong ol long go insait long ol projek we ol i gat bikepla laik long wokim.

Andrew Barry, Men-

esing Dairekta bilong ExxonMobil PNG i tok em i amamas long tripela meri long ol i kisim luksave bilong go long woksop long Washington D.C. "ExxonMobil PNG i save wok wantaim ol lokol na intenesenel patna long kirapim ol meri long wok bisnis na kamap lida long wokim bisnis wantaim ol kain trening olsem na long wok bung na lainim long ol narapela meri lida," Barry i tok.

Stat long 2006, 49 Papua Niugini meri i kisim pinis trening i kam long GWIM taim ol i bin holim long Indonesia, Washington D.C. na long PNG namba wan taim long 2014.

Lions Nesenel Rios Senta bilong helt bilong ai



Dokta Malenges i sekhan wantaim Garry Kenny long soim olsem projek i stat nau.

I GAT planti pipel long Papua Niugini husat i kisim kain kain sik bilong ai olsem ol susu bilong ai o samting olsem smok i passim ai na ol lain i save nidim ol aiglas.

Kain olsem planti pipel husat krismas bilong ol i winim 50 em i 29.2 pesen yia na moa i save nidim moa aiglas na 45.7 pesen na smok i passim ai em 35.2 pesen. Em i givim moa hevi long sait bilong mani long ol pipel. Moa hevi i stap olsem long PNG i gat 14 optalmolojis tasol (ai dokta) na mak bilong Wol Helt Oge-naisesen em i mas gat 72.

PNG Ai Kea, Brien Holden Visen Institiut, Visen 2020 Australia na Yunivesiti bilong Papua Niugini i tokaut long dispela Lions Nesenel Risos Senta bilong Ai Helt long Fonde Me 7.

Lions Nesenel Risos Senta bai liptimamim lukluk bilong Ai Helt long PNG na bilong Medikol Skul bilong Yunivesiti long Papua Niugini; na em bai strongim na givim nupela tingting gen long ol trening na we bilong wok bilong optamoloji na givim wanpela model bilong pablik/praivet fanding patnasip.

Long 2014, Lions Klap Australia i toktok long Visen 2020 Australia long tingting bilong kamapim wanpela plan bilong wok long Papua Niugini. Brien Holden Visen Institut olsem wanpela memba bilong Vision 2020 em i go pas olsem bikipela spona bilong PNG Ai Kea.

Ol i mekim planti toktok namel long ol stekholda, olsem ol memba bilong Nesenel Komiti bilong Stopim Aipas (NPBL), UPNG, Helt Dipatmen na ol otamolojis. Olgeta i wanbel olsem em i gutpela pasin long sapotim ai helt long PNG long kamapim wanpela Nesenel Risos Senta bilong Ai Helt (NRC) long UPNG.

Ol bai stretim wanpela haus long UPNG Taurama Kempas long kisim intenesenel stendet na taim em i kamap gutpela olgeta ol bai opim long pinis bilong yia 2015. NRC bai go pas long ol kain wok olsem:

- Trening bilong ol optalmolojis
- holim ol edukesen na profesenel developmen bilong ol lokal ai kea wokman na wokmeri olsem ol nes na saveman meri bi-long aiglas.
- Trenim ol ai kea woklain long givim ol aiglas i no gat bikipela kos
- Trenim ol medikal sumatin long ai kea na luk save long helt.
- Helt promosen ektiviti long mekim ol PNG i luksave long helt bilong ai.
- Kepesiti Developmen bilong NPBL na sapotim nesenel level bilong edvokesi.

Wantaim dispela projek, CBM PNG, i wok wantaim UPNG long developim na fandim wanpela posisen bilong wanpela optalmoloji leksera long UPNG. Em bai strongim moa projek na kamapim luksave bilong ai helt long PNG.

Wol envaironmen Wik bai kamap long Nesa Pak

Pot Mosbi Nesa Pak Edukesen Dipatmen bai holim gen enuel skul Wol envaironmen Wik program, las yia em i bin lukim moa long 1,000 sumatin i kam long 23 klas long 10-pela skul.

Wol envaironmen Wik bai stat long Mande 1 Jun i go long Fonde 4 Jun. Olgeta skul insait long Pot Mosbi siti i ken kam na stap insait long dispela wan wik program.

Program bai kisim olsem tupela aua long pinisim wanpela wokabaut bilong edukesen insait long pak. Bai gat ol liklik tebol bilong soim ol kain kain samting bilong lukautim envaironmen, ol displei na ol ektiviti

i sanap long 4-pela bikpela tingting; klin enoji, lukautim wara bilong yumi, rausim gut ol pipia na grin envaironmen. Dispela bai pulim ai bilong ol sumatin long lukim ol samting tru we ol sumatin i ken mekim long sevim envaironmen o graun na bus na wara.

Pot Mosbi Nesa Pak Edukesen Supavaisa Amos Babaga i tok, dispela em gutpela program bilong ol skul bilong wanem em i gat ol samting bilong ol sumatin i lainim na lukautim envaironmen.

Mista Babaga i tok moa olsem, "Mi laikim strongim tingting bilong ol prinsipal na ol het tisa long toktok wantaim Nesa Pak na

bukim ol sumatin long kamap long dispela taim."

Ol skul i ken rejista o kisim moa save sapos ol i rait i go long dispela email a d r e s , education.pomnp@gmail.com, o ring long 326 0248 o teks long Edukesen Tok-save Sevis long 7398 0054 na givim nem bilong yu, nem bilong skul, email bilong yu na fon namba.

Long Sarere 6 Jun bihain long Skul Wol envaironmen Wik, Nesa Pak bai holim wanpela pablik bung, em long 'Wold envaironmen De' wantaim patnasip bilong sponso BSP Bank husat i ting bai program i pulim 2000 pipel long wan wan de.



2014 Wol envaironmen Wik long Pot Mosbi Nesa Pak.

Yangoru Saussia bai i gat nupela skul

YANGORU- SAUSSIA Distrik long Is Sepik Provins bai i gat tripela hai skul na ol bai wokim West Yangoru Bod-ing High Skul bihain long brukim graun seremoni bilong ol skul.

Minista bilong Tred Komes na Indastri, na Memba bilong Yangoru Saussia Distrik, Richard Maru em i tokaut long

brukim graun seremoni olsem, olgeta samting bilong wokim skul em bai kosim mani klostu long K10 milien o moa.

Minista Maru i tok olsem West Yangoru Hai Skul bai i stretim wari bilong pipel bilong West Yangoru olsem, nau ol bai i gat inap spes long inapimp lanti sumatin, long wanem pastaim ol i gat liklik

spes long Kubalia na Yangoru Sekenderi Skul.

Maru i tok Nesenel Gavman i wokim disisen long ol sumatin mas inap long statim edukesen long elementri na finis long gret 12, bikos ol Is Sepik sumatin ol i no save kisim sampela gutpela risalt pastaim.

Australia i givim K1 milien long FSVU long Kerema



PNG na Australia Lo na Jastis Patnasip Kaunsela, Michael Sloane, long rait na ACP Komanda long Sauten Rijon, Allan Kundi, tupela i givim ki bilong tupela kar i go long PPC bilong Galp, Mista Lincoln Gerari.

AUSTRALIA Gavman i givim K1 milien na moa long Famali na Seksal Vailens Unit (FSVU) bilong ol polis long Kerema long Galp Provins.

Papua Niugini na Australia Lo na Jastis Patnasip Kaunsela bilong Australia Hai Komisen, Michael Sloane, i tokaut long taim bilong brukim graun seremoni long las wik long Polis Het Kota bilong Kerema olsem, Australia gavman i givim K85 000.00 na moa long wokim opis bilong FSVU.

Long wankain taim tu Australia gavman i givim tupela nupela opis kar na wanpela em i kosim K150 000.

Mista Sloane i amamas tru na i givim ki bilong kar i go long Komanda bilong Sauten Rijon, Allan Kundi, long stap bung wantaim na givim long PPC bilong Galp Sif In-spekta, Lincoln Gerari.

PNG na Australia Lo na Jastis em i stap pinis long stretim ol birua i kamap namel long man, na meri na ol pikinini, long wanem birua pasin em i kamap

bikpela insait long wan wan famili long olgeta hap graun.

Mista Sloane i tok moa olsem long dispela we, PNG na Australia gavman i wok bung wantaim long dispela birua pasin i mas i no ken kamap bikpela moa long kantri.

Em i tok Australia Gavman i wokim wankain wok long 14 polis stesen pinis na wanpela bilong ol em i Kerema Polis Stesen.

Long wankain taim tu, Mista Kundi i makim maus bilong Polis Komisina, Gary Baki, na PPC bilong Galp na ol narapela polis long Galp Provins na i tok tenkyu na tok olsem, em i gat bikpela amamas long Australia Gavman long givim mani bilong wok bilong FSVU, na tu dispela kar em i wanpela bilong ol narapela kar Australia Gavman bin i givim long ol narapela 7-pela provins pinis.

Kundi i tokim PPC bilong Kerema olsem, yu-pela mas yusim dispela ol samting bilong wok long ol stretpela pasin tasol.

Etpela moa "Mekim Senis" polis opisa i go long Australia



Ol Polis opisa husait bai i go long Kenbera i sindaun long tebol wantaim Asisten Komisina Allen Scott husait i sanap long rait han sait, Deputi Kominisa bilong Polis Edministresen i sanap long namel na Provinsal Polis Komanda na Sif Sufritenden bilong Madang i sanap long han kais.

Papua Niugini- Australia Polising Patanasif i salim pinis etpela moa PNG polis opisa i go long Kenbera long las sarere olsem hap bilong *Mekim Senis* program.

Ol bai i stap foapela wik long kisim plesmen program.

Ol i bihainim ol paslain husait i go pinis long Darwin, Brisben, Kens, Taunsvil na long Kenbera long tupela mun i go pinis.

Dispela ol polis opisa ol i bin kisim long ol polis stesen hia long Pot Mosbi, Le, Goroka, na long Madang.

Provinsal Polis Komanda na Sif Suprintenden bilong Madang, Sylvester Kalaut, i kisim dispela taim na tok gutbai long taim em i stap long Pot Mosbi long laspela wik.

Kalaut i tok olsem em i amamas tru long tupela polis opisa bilong Madang i bin go insait long dispela laspela plesmen na nem bilong dispela tupela opisa husait bai i go em, Senia Konstabel Yawing (Adam) Poang na Senia Konstabel Doreen Abal.

Mista Kalaut i tok moa olsem, ol dispela man na meri husat bai go long plesmen bai i kisim bikpela save tru long ol brata opisa long Australia.

Asisten Komisina Allen Scott, husat i save stap long het opis bilong AFP diploymen long PNG, i tok olsem dispela etpela opisa bai i wok bung wantaim ol Australian Kapital Teritori Komyuniti Polising wok.

Deputi Komisina bilong Polis Edministresen, Awen Sete, i bin i stap long dispela taim tu na em i tokim ol etpela opisa olsem, ol i mas lainim planti samting long ol Australia wanwok bilong ol na ol tu bai i lainim planti samting long ol PNG na em bai kamap olsem 'kisim na givim' pasin bilong ol pipel bilong PNG.



Bilip bilong soldia

WANPELA yangpela soldia i wok long ami i wanpela strongpela Katolik man tru.

Olgeta taim bipo na bihain long kaikai, slip o wokim wanpela bikpela o liklik wok, em i save statim wantaim prea.

Lukim samting dispela yangpela soldia i wokim. Ol narapela soldia i save tok nogut na tok bilas long em, tasol em i no pret o sem long wokim prea. Bilip bilong em long God i stap strong na em i no surik liklik.

Long wanpela de, bos bilong ami i singau-tim em i go long opis bilong em.

Yangpela Katolik man i go insait long rum, givim rispek olsem lo bilong ami i stap. Bos i tokim em: "Mi askim yu long draivim kar bilong mi i stap aninit long diwai kokonas na muvim i go aninit long diwai mango. San i hot tumas. I no gutpela sapos kar bai stap aninit long diwai kokonas olgeta taim tasol kokonas i no givim gutpela hap long hait long san. Diwai mango i gat planti seid bilong en."

Yangpela man i tok: "Tenkyu bos. Tasol mi no save long draiv. Nogut mi bai bagarapim kar bilong yu. Askim narapela soldia husat inap long draiv, em i ken draivim na muvim kar i go aninit long diwai mango."

Tasol bos bilong ami i strong tumas. Em i tokim yangpela man: "No gat narapela man bai mi askim. Mi askim yu tasol. Yu mas draivim kar bilong mi i go aninit long diwai mango."

Yangpela man i tok strong olsem em bai no inap wokim dispela wok bikos em i no save long draiv. Olsem na bos bilong ami i bikmaus long em na i tok: "Mi tokim yu pinis. Yu mas draivim kar bilong mi putim aninit long diwai mango. I no gat narapela man bai wokim dispela wok. Yu tasol. Sapos yu no save, askim God bilong yu long helpim. Yu save pre olgeta taim long en. Bilong wanem yu no inap askim em long helpim yu? Mi laik nau tasol yu mas draivim kar bilong mi na putim aninit long mango tri. Sapos yu no wokim dispela wok, bai mi rausim yu long ami nau stret."

Yangpela soldia i sanap isi na tingting planti. Bihain em tokim em yet, "Mi mas draivim. Mi mas stap olsem soldia. Mi no laik lusim wok olsem soldia."

Em i kisim ki bilong kar long han bilong bos na wokabaut i go long kar. Em i opim kar, sindaun long sia bilong draiva na i prea, God, yu mas helpim mi bai kar bilong bos i no kisim bagarap. Na em i putim ki long kar na statim ensin na isi em i draivim dispela kar na putim stret long ples bos i laikim long en.

Em i kilim ensin, pulim ki bilong kar, opim dua na kamaut long kar. Em i kirap nogut tru, bikos olgeta soldia i sanap lukluk long em wantaim maus bilong ol i op bikpela tru.

Ol i kirap nogut na sampela i krai.

Yangpela man i askim ol. Bilong wanem yupela i sanap olsem na bilong wanem sampela bilong yupela i krai?

Bos bilong em tu i krai. Em i kisim ki bilong kar na holimpasim yangpela soldia strong tru na i tok: "Brata. Yu mekim olsem wanem?"

Em i kisim han bilong yangpela man na tupela i wokabaut klostu long kar. Bos i opim fran bilong kar na tokim yangpela man: "Lukim! Dispela kar i no gat ensin bilong en. Olsem wanem yu draivim na muvim em i kam aninit long diwai mango?"

Yangpela soldia i tok: "Em nau! God bilong mi INAP LONG WOKIM OLGETA SAMTING!"

Wok bung namel long ol sios i bikpela samting

...Pater Denny Guka bai kamap nupela Angliken bisop

Veronica Hatutasi i raitim

WOK bung wantaim namel long ol sios na ol patna long traim stretim ol bikpela hevi na mekim Pot Mosbi i wanpela model siti i wanpela long ol bikpela samting nupela bisop bilong Angliken Sios i laik lukim.

Pater Denny Guka i gat 53 krismas na em i bilong ples Ambasi long not kos Popondeta long Oro provins. Em bai kamap namba 6 bisop bilong Pot Mosbi Angliken Daiosis long wanpela seremoni bai kamap long dispela Sande, Me 24, long Sen Martins sios long Boroko.

Em bai kisim ples bilong Bisop Peter Ramsden husat i bin Angliken bisop bilong Pot Mosbi Daiosis long 8-pela krismas, tasol em i bin lusim PNG na go bek wok long kantri bilong em Inglan long Septemba,



Pater Denny Guka bai kamap bisop long Sande. Wantok fail poto

las yia.

Long mun Mas long dispela yia, Komiti i save makim ol bisop long Angliken Sios, ol leiti na kleji i bin bung na wanbel long mekim Pater Denny i kamap namba 6 bisop bilong Pot Mosbi Daiosis.

Pater Denny i wok olsem pater insait long 19 krismas nau.

Em i mekim wok pater long Pot Mosbi daiosis insait long ol Angliken peris olsem Sen Martin's Boroko we em i bin wok inap 8-pela yia, Sen Mary's Gerehu long 5-pela yia, Holi Famili Sios, Hohola long 4-pela yia na 7-pela mun, Sen John's Katidrel long taun long tupela yia na 7-pela mun.

Pater Denny i marit na i gat 4-pela pikinini.

Pater Denny em i Siaman bilong PNG Kaunsil bilong ol Sios (PNGCC) na em i holim dispela wok nau long 4-pela yia.

Em i holim wok olsem siaman long ol sampela bikpela bod insait long Mosbi siti olsem Medikel Bod, Bod bilong Benk bilong PNG na sampela arapela moa.

"Mi mekim wok pater long planti yia insait long Mosbi na

mi gat bikpela tingting na laik long wok wantaim ol narapela bikpela sios na ol pentekostel sios na kontribut long gutpela bilong komyuniti, sios na kantri.

"Bikpela samting em ol sios i mas wok bung wantaim ol patna olsem gavman long kamapim ol gutpela senis, daunim ol hevi bilong sosel na politiks na mekim Mosbi i kamap wanpela model siti," Pater Denny i tok.

Seremoni long mekim Pater Denny i kamap bisop long dispela Sande bai lukim planti sios memba, ol famili na pren i kam long Mosbi yet, Galp na Kep Rodney na long ovasis tu.

Asbisop bilong Angliken Sios long Nu Silan na Angliken bisop bilong Australia em sampela long ol bikman bilong ol ovasis Angliken Sios husat bai stap long dispela seremoni long amamas long nupela bisop bilong Pot Mosbi.

Ol sumatin i mas gat gutpela pasin

Mathew Yakai i raitim

OL SUMATIN long ol skul insait long kantri i no ken kisim tasol save long akademik sait, tasol ol i mas kisim save tu long ol gutpela pasin i luksave long God na ol i ken kamap ol gutpela lida bilong kantri.

Dispela em wanpela long ol strongpela toktok ol sumatin bilong Grace Memoriel Sekenderi Skul long Wau, Morobe provins i bin kisim long las wiken insait long wanpela krused bilong

skul.

Het tok bilong krused em "Holiness in Christ to Cross Over".

As tingting long holim dispela krused em long go klostu long ol sumatin i no save yet long Bikpela Jisas, karimaut ol li-dasip trening na tu, na wokim ol kos awenes long ol tesiani-tusen.

Nesenel Dairekta bilong Teseri Sumatin Kristen Felosip (TSCF), Pasto Tom Lepatu i bin stap long dispela bung na tok-

tok long ol sumatin bilong PNG Yunivesiti bilong Teknologi Nesing Kolis, Bugandi Sekenderi na Bayuin Haikul.

Ol lain long Bodi bilong Kraus grup long Wau taun i bin stap tu long dispela bung.

Pasto Lepatu i bin tok strong long kamapim ol gutpela lida i putim Bikpela long laip bilong ol na i gat gutpela pasin long go pas long PNG.

"Wanpela samting tasol i ken daunim ol hevi em Tok bilong Bikpela bikos dispela Tok tasol

inap kamapim senis long man, Pasto Lepatu i bin tok.

Em i bin tok ol skul insait long dispela kantri i no ken skulim ol sumatin long mekim gut long akademik sait, tasol ol i mas strongim ol long gat gutpela pasin na kantri bai lukim gutpela senis.

Em i bin strongim ol sumatin long save long Bikpela na kamap ol gutpela manmeri long skul na bihain taim ol i kamap ol lida, ol i ken mekim gutpela kontribusen long kantri.

Simbu Lutheran sios luksave long ol Wabo Poroi

Eric Sinebare i raitim

MIPELA i stap hait long bikpela bus, bikpela wara Purari, maunten, no gat bikpela lain olsem sios na Gavman i luksave long mipela ol lain long Wabo Poroi, mipela i stap hait na i no save long wanpela ol sevis na development.

Yupela Lutheran sios na Gavman bilong Simbu i gat luksave na kisim mipela i kam aut long bus na nau mipela i lukim lait na ai bilong mipela i op.

Wabo Poroi Risos onas Darekta, Albert Peru i mekim dispela tok na tok tenkyu long Rev. Apa Ali, Bishop bilong Simbu Lutheran sios na olgeta wokman na wokmeri bilong sios, wantaim Simbu Provinsal Gavman long ol i helpim ol long kam kamap long Simbu.

"Mipela i amamas tru long kam long Simbu. Em i olsem mama na papa bilong mipela. Yupela i luksave long stap bilong mipela na yupela yet kisim sevis na planti arapela samting mipela i no save long en. Yupela i kam na mipela i gat luksave long olgeta hap bilong Papua Niugini," Mista Peru i tok.

Dispela em i namba tri taim we ol Bikpela grup bilong ol Risos ona lida bilong ELK-EN-TELOP-WABO len ona i kamapim dispela grup i kamap long Simbu long kamapim tok-tok namel long sios na Gavman bilong Simbu.

Dispela grup i kam long Simbu i bihanim wok kaikai bi-



Ol papagraun bilong Wabo Poroi. Poto: Eric Sinebare

long Lutheran sios bilong Simbu i kamapim long Wabo pipel.

Dispela ples i stap namel long Simbu Provins na Galp provins we i no gat rot bilong kar tasol ol pipel i save go i kam long balus na spit bot tasol.

Lutheran sios i opim rot na bringim gutpela rot i go long dispela ples Wabo Poroi. Opim iau na tingting long save long Tok bilong God na lainim ol long i gat luksave long God i papa bilong olgeta samting.

Insait long dispela wok bilong sios, i bringim tok bilong God, na kamapim ol arapela sevis olsem, edukesen na skul bilong rit na rait wantaim arapela sevis.

Dispela grup i kam long Kundia i bungim sios lida na mekim ol toktok long wanem

kain ol sevis i ken kamap long Wabo na Poroi. Simbu Provinsal Gavman i mekim bikpela amamas na welkam we Simbu Gavana Hon. Noah Kool na Simbu Provinsal Edministreta Joe Kunda Naur wantaim ol wokman na meri long Simbu gavman i givim gutpela welkam long ol.

Simbu Gavman i ken bringim wanem sevis ol pipel bilong Wabo na Poroi i laikim.

"I gat bikpela risos na planti samting olsem oil na Gol i stap long hap, tasol dispela i no tingting bilong mipela long dispela ol risos. Simbu Gavman i tingting long ol pipel i stap long dispela hap i no gat luksave long olgeta gavman sevis, klostu 20 krismas." Gavana Noah Kool i tok.

Tenkyu long Lutheran sios bilong Simbu, i opim rot na dua bilong pipel i luksave na tingting i kirap long luksave, na ol pipel bilong Wabo yet tokaut long ol i laikim sios bilong Simbu na gavman bilong Simbu i kamapim wok bung long mipela na bringim sevis long pipel.

Ol bikpela projek olsem oil, na timba, i kam long hap, na ol papa graun i tokaut long ol developmen na sevis bai i kam long ples Wabo na Poroi long nau kampani i stap pinis olsem Oil Search.

Simbu Lutheran sios na Simbu Provinsal Gavman bai wok bung long kisim sevis na tu long lukautim ol pipel long gutpela pasin na tingting.

Lukluk long strongim ol egrikalsa bisnis long kantri




Egrikalsa em i baksait bun bilong PNG. Oltaim yumi save harim ol saveman na ol arapela lida i tromoi dispela hap tok long taim ol i toktok long yusim graun long kamapim gutpela sindaun bilong famili na givim wok long ol yut na ol arapela manmeri tu.

Dispela hap tok i tru. Yumi kisim bikipela blesing bilong gutpela graun we bikipela hap tru i stap yet long han bilong ol pipel. Yumi yusim liklik hap tasol long planim ol bisnis diwai olsem kakao, kopra, kopi, na welpam. Bikipela hap graun tru i slip nating i stap, i no gat wok i kamap long en we inap long bringim mani go bek long han bilong pipel.

Tude yumi lukim sampela ples i groim rais long lukim sapos rais inap long gro gut, orait bai ol i ken salim long stua na katim daun bikipela mak bilong ovasis rais PNG i save baim long wan wan yia. Dispela fam bilong rais is tap long Sentral provins na Morobe. I gutpela long lukim ol praivet kampani na gavman i mekim wok long groim dispela namba wan kaikai bilong ol pipel long kantri.

Pasin bilong planim ol kaikai bilong maket i senis tu. Long ol ples long nambis, ol famili i wok long yusim graun bilong ol long planim kaikai bilong ol yet na salim sampela long maket. Tasol long sampela provins, yumi lukim pasin bilong groim kaikai i kamap olsem wanpela komesel bisnis nau. Ol famili i kisim dinau long benk na yusim graun bilong ol long planim kaikai olsem kabis, poteto, karot, kon, kaukau na ol arapela sayor bilong salim long ol bikipela stua na hotel na ol bikipela institusen we i nidim kaikai oltaim. Ol maket



long Mosbi i save lukim ol beg kaikai i kam long ol fam long Hailans olgeta wik.

Dispela nupela wei bilong planim ol gaden kaikai long salim long ol siti i kamap wanpela bikipela bisnis. Ol i yusim ol trakta

na lusim bikipela mani long baim ol sid na marasin bilong groim gut kaikai, na bihain bikipela mani i lus gen long karim kaikai i go salim long arapela provins.

PNG i luksave nau olsem i gat mani long bisnis bilong planim na

salim ol kaikai. Long Mosbi tude i gat wanpela bisnis bilong ol lain Israel we i save groim ol tomato na arapela sayor na salim long ol ovasis maket. Dispela nupela kain stail bilong planim ol kaikai em i opim ai bilong ol lida na ol fama tu.

Israel i wanpela lida bilong kain kain egrikalsa projek na PNG i ken lainim planti gutpela samting long taim yumi wok bung wantaim ol. Ples bilong ol i wesana na i no gat ren, tasol tude ol i win tru long kain kain egrikalsa projek. Ol i groim ol kaikai na enimal na salim i go long ol arapela kantri long Yurop. Ol i kisim bikipela mani tru long egrikalsa bikos long smatpela teknoloji na ol saveman bilong ol.

Minista bilong Tred na delegeren bilong em i kam bek long kantri bihain long ol i bin go lukluk raun long Israel long kirap bilong dispela mun. Minista i toktok strong long ol gutpela samting PNG i ken lainim long wei bilong groim ol kaikai na arapela egrikalsa projek long Israel. Ol arapela kantri long wok tu i luksave long teknolji bilong Israel na ol i bihainim tu.

Yumi long PNG tu i ken yusim dispela save na teknoloji long kirapim egrikalsa bisnis. I gat bikipela graun na planti wara long PNG. Yumi no sot long dispela. Wanpela bikipela samting yumi sot long en em long ol gutpela saveman na meri husat i ken skul long dispela nupela pasin bilong groim ol kaikai, na ol saveman na meri bilong painim ol maket bilong salim ol kaikai na arapela egrikalsa projek. I gat ol gutpela senis i kamap long wol tude we i yusim save bilong man long kamapim mani na helpim sindaun bilong ol pipel.

Yumi Papua Niugini tu i ken stap insait long ol dispela gutpela senis olsem. Wanpela rot nau em long yusim graun bilong yumi long kamapim ol egrikalsa projek olsem groim ol kaikai na ol enimal long helpim ol pipel bilong yumi.

TOK SORI

Tok Sori i go long Femili, Meri na Pikinini bilong **Leit Joe Ivaharia**, husat i dai long las wik Trinde 20, Me 2015.

Joe em i stap wantaim Wantok Niuspela long yia 1997 olsem stringa potografa na kamap fultaim potografa long olupela wiken pepa bilong mipela 'Weekend Sports'. Em i lusim mipela bihain long 4-pela yia na joinim National pepa olsem potografa bilong ol.

Menesmen na wokmanmeri bilong Word Publishing i salim tok sori na belisi igo long femili bilong Joe Ivaharia long dispela de bilong hevi. Papa God i stap wantaim yupela.

Malolo Gut Brata Joe Ivaharia. RIP!



Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Published at
Able Building
Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

No ken pret long tokaut na tok stret - Polye

-Foren karensi bisnis pundaun

Stanley Nondol i raitim

OPOSISEN lida Don Polye i tok Papua Niugini i sot long mani na i go insait long bikpela hevi bilong kes flo. Em i tok na ol lida long gavman wantaim Benk bilong PNG na Tresari Dipatmen wantaim midia i no ken pret long tokaut na tok stret long ol pipel long kantri.

Mista Polye i mekim dispela tok-tok bihain long Seketeri bilong Tresari, Dairi Vele i tokaut long

wanpela stretmen olsem wanpela wok painim Moody's Investa Sevis Reting i tok PNG i pundaun long ples long B1 i kam daun long B2 long foren karensi bisnis.

Mista Vele i tok kantri i bin stap long B1 na long taim bilong globel iekonomik kraisis tasol nau i kam daun long B2. Em i tok wol i go insait long hevi bilong iekonomik na i wok long stretim ol yet tasol PNG i no go daun tumas na stap yet long gutpela mak.

Mista Polye i tok planti taim em i

tokaut olsem gavman i wok long yusim planti mani ausait long baset na i wok long dinau long planti mani na dispela bai lukim kantri i sot long mani tasol ol lida bilong gavman i save giaman olsem mani i no sot, na tu ol midia i no save tokaut long ol pipel long ol kain bikpela stori.

Mista Polye i tok stadi bilong Moodys Invesmen na ol arapela indepeden bodi olsem NRI, INA na ol arapela stadi long ol yunivesiti long ausait i tokaut klia olsem gavman i wok long yusim mani long ol projek

i no stret. Na tu i wok long kisim bikpela dinau long ausait.

Mista Vele i tok maski kantri kam daun long B2, PNG stap long gutpela posisen long menesim em yet na tu dinau bilong PNG em stap daun bilong na winim ol kantri stap anatap long B1.

Mista Polye i tok ripot bilong INA na NRI i tok gavman i mas katim daun spending, no ken kisim moa dinau na yusim mani gut long ol bikpela infrastraksa projek we ol pipel bai kisim sevis. Tasol gavman

i save tok em i mekim gut wok.

Mista Polye i tok mani kantri i mekim na i kam aninit long gavman, bai i no inap long lukautim ol-geta projek na pipel long baset bilong kantri long wanpela yia.

Em i tok tupela samting gavman i mas mekim kwiktait em long kamapim saplamentri baset long neks wik na katim daun ol rot gavman i yusim mani i no stap long baset olsem ol projek we i go long pasin korapsen na stilim mani.



OIL SEARCH PLES: Em nau, Baton i kamap long ol lain bilong em stret long Sauten Hailans



BUNG NA STORI: Gavana Jenerel Sir Michale Ogio i stori wantaim Pater John Glyn long lonsing bilong Prait bilong ol Meri Awod long dispela wik. **Poto: Nicky Bernard**



NAISWAN: Oil Search Pasifik Gems Rilei Baton i luk nais tru namel long ol welpam prut we krein i apim antap tru long Higaturu welpam long Oro provins. **Poto: MadNESS Photography**

ABG ILEKSEN: Ol lain i redi long ABG ileksen we i kamap nau long Bogenvil na bai pinis long neks wik. **Poto: Winterford Toreas**

Refugees em ol lain husat ikisim bagarap na bikpela hevi long ples na kantri bilong ol. Ol ino nap long abrusim dispel ol birua long asples bilong ol na ol ironawe painim gutpela sindaun long narapela kantri.

REFUGEES

LAIKIM HALIVIM BILONG YUMI

PNG ken halivim ol refugees long painim gutpela sindaun wankain olsem ol narapela kantri imekim.

Toksave ikam long Gavman bilong Papua New Guinea.



Nem: Joseph Ngiugen

Asples: Vietnam

Wok: Fish Processing Worker

Sir Michael Somare kisim bikpela namba long Japan

Stanley Nondol i raitim

GREN Sif na Gavana bilong Is Sepik, Sir Michael Somare em papa tu bilong dispela kantri, PNG, long dispela mun i bin kisim bikpela luksave long kantri Japan taim em i givim em luksave namba, "Conferral of the Grand Cordon of the Order of the Rising Sun" o Japan i mekim em "Konfederel bilong Gren Cordon bilong Oda bilong San i Kamap."

Ol toktok i kam long Embasi bilong Japan long Mosbi i tok dispela luksave

namba we Sir Michael i kisim em i top o bikpela awot tru ol ausait lain bilong ol narapela kantri i save kisim long Gavman bilong Japan long gutpela wok ol i wokim long strongim na kamapim gutpela wokpren namel long wan wan kantri bilog ol na Japan.

Long dispela yia, 85 manmeri bilong ol narapela kantri i bin kisim dispela "Conferral of the Grand Cordon of the Order of the Rising Sun" i kam long Japan.

Embasi i tok "bikpela kontribusen bilong Sir Michael's long wok pren namel long Japan na Independen Stet bilong

Papua New Guinea i kara-mapim wok bilong statim diplometik wokpren i kirap long gutepla luksave na wok pren stat yet long 1975 taim PNG i bin kisim indipendens, na we tupela kantri i skruim i go moa yet long ol sampela wokbung ol i gat long en. Moa yet, olsem Gavana bilong Is Sepik, Sir Michael i bin wok bung wantaim PNG Gavman long givim gutpela welkam i go long Prais Minista bilong Japan Mista Shinzo Abe, na meri bilong em, Misis Akie Abe long wokabout bilong ol i go long Wewak long Julai 2014."

Mista Fumio Kishida, em Minista

bilong Foren Afeas bilong Japan na Mista Yasuhiro Nakasone, em pastaim Prais Minista bilong Japan i bin salim tok amamas bilong ol long Japan Embasi long Pot Mosbi bilong Sir Michael.

Embasi i bilip olsem dispela luksave bai givim gutpela piksa long makim namba 40 anivesari bai kamap long dispela yia long gutpela wokpren tupela kantri i gat long en.

Long las wik, Sir Michael na Ledi Veronica Somare i bin go long Japan long stap insait long wanpela seremoni i bin kamap long Me 8 long Imperiel Pales na kisim luksave awot.



1



4



2



5

Lukim ol poto long Sir Michael i kisim dispela bikpela luksave namba.

- 1 PNG komyuniti i welkamim Sir Michael, Ledi Veronica, Embaseda Gabriel Dusava na ol arapela bikman taim ol i laik go long fansen long Hotel New Otani long Tokyo, Japan las wik.
- 2 Sir Michael i toktok long seremoni we em i bin kisim luksave awot long Gavman bilong Japan.
- 3 Sir Michael i sekan na bungim Masao Horie, Siaman bilong Wol Wo II Japan Isten Niugini kempen bilong Bereaved Families Association.
- 4 Sir Michael, Ledi Veronica na famili i bungim meri bilong Kepten Yukio Shibata, em leit soldia bilong Japan na wanpela tisa bilong Sir Michael.
- 5 Sir Michael na Ledi Veronica bihain long Sir Michael i kisim awot yumi ken lukim medal long klos na i hangamap long rop kam daun i stap.
- 6 Embaseda bilong PNG long Japan, Gabriel Dusava i bin holim wanpela welkam kaikai bilong welkamim Gren Sif Sir Michael Somare long Hotel New Otani taim em na lain bilong em i kamap long Japan long kisim luksave awot.



3



6

Ol Poto: Yasuhiro Yamauchi, Seketeri (Politikel) Embasi bilong Japan long PNG.

Stori bilong tumbuna



Dainian i kamap laip gen

WANPELA taim i gat wanpela yangpela man, nem bilong em Nikint. Haus bilong em i stap long wanpela maunten. Taim em i lukluk i go long wanpela hap oltaim em i lukim smok i kamap long dispela ples.

Nikint i tingting olsem, ating bai mi luksave smok i kamap olsem wanem. Nau em i go long haus bilong papamama bilong em na tok. Mi laik bai yumi mas kilim pik bilong mi na mi laik kisim go long wanpela hap. Tupela papamama i tok nogut yu go na lus long dispela hap, maski. Nikint i tok, mi no inap lus mi mas go na kam bek.

Orait ol i kilim dispela pik na mumuim na putim i stap. Long moningtaim tru em i kirap karim pik na i go long ples smok i kamap long en.

Em i go kamap long wanpela wara na wanpela lapun meri kus i pundaun long nus bilong em na wasim kaukau i stap. Man i sori long em na katim hap bilong pik na givim long lapun meri hia.

Lapun meri i tok, yu gutpela man tru. Ol i no givim mi hap pik olsem yu givim. Bai yu go na maritim yangpela meri, Rangapa. Man i tok, yu lukim pasin bilong mi no kam long marit.

Mi lukim smok na bihainim i kam.

Nikint i kirap gen i go kamap long ples smok i kamap. Nau em i lukim wanpela naispela meri tru i stap. Nikint i lukim na em i seksek tru long smatpela meri. Mori i kirap lukim dispela man na meri tu i seksek long dispela man.

Meri i kisim Nikint i go long haus bilong em. Taim tupela i wokabaút long rot tupela i tingting planti. Man i ting meri i nais moa na meri ting man smat moa. Tupela i go long haus bilong meri na em i tokim papamama bilong em. Mi kisim boi pren bilong mi kam, yutupela i mas sekan long em. Tupela papamama bilong meri i amamas na sekan long Nikint. Nikint i givim pik long ol na ol i kaikai na slip.

Long moning taim tru yangpela merii putim bilas gut tru na redi long go wantaim Nikint. Tupela i tok gutbai long papamama na mani kisim meri i go long ples bilong em. Tupela i go kamap long wanpela maunten na lukluk i go long ples bilong meri na tupela i lukim mama tru bilong smok i kamap.

Man i kirap tokim meri, yu mas wet stap hia. Bai mi mas go kwik na lukim wanem samting i kamap long ples. Man i ron i go kamap long ples bilong meri na lukim bikipela pait i kirap namel long lain bilong meri na narapela lain. Nikint i strongpela man tru na kilim planti man bilong narapela lain. Em i laik go na wanpela liklik man bilong narapela lain i sutim Nikint i dai.

Tewel bilong Nikint i go long meri na tok, bikipela pait i bin kirap long lain bilong yu

Raun wantaim Wantok kru ...

EMTV Vokol Fiusen brukim rekot

NAMBAWAN musik so bilong EMTV, Vokol Fiusen i brukim rekot long namba bilong ol pipel husat i save lukim dispela musik so taim em i kamap long EMTV laip telekas long Gren Fainel So bilong Sisen 2, long las Sande nait.

Vokol Fiusen i larim ol lain i lukim olgeta hap bilong Sisen 2 Gren Fainel, laip long hap pas sik klok long apinun i go inap long pinis bilong en na long wankain taim, toktok bilong en i ran long FM100.

EMTV onlain i kisim rekot namba bilong ol singsing na ol toktok i kam long ol lain husat i wok long lukim piksa bilong so long

olgeta hap bilong PNG long Vokol Fiusen Sisen 2.

Mak bilong dispela i go antap, winim mak bilong ol lain i save lukim NRL na Stet ov Orijin long taim namba wan laip hap bilong gren fainel i pinis. Ol EMTV telepon i kisim hotlain stret long ol lain i ringim EMTV long ol askim ol 4-pela gren fainel singa long singim sampela moa song na tu long ges jas long singim sampela moa song na long save husat tru em bai kisim namba wan ples.

Sumira Natera bilong Pot Mosbi, Jeremiah Prout bilong Alotau, Tinzy Mau bilong Simbu na Morris Opeti bilong Buka i kamau-

tim olgeta stail bilong ol antap long stes long soim stret ol jas long wanem samting ol i gat. Ol jas wantaim Hip hop atis Prote-J bilong Amerika mama i karim long PNG, i tok ol i bin kisim taim stret long skelim ol dispela 4-pela lain long husat tru bai kisim namba wan ples.

Blokbasta Sisen 2 So i bin kisim sapot long ol namba wan musik i kam long Vokol Fiusen Sisen 1 Wina, Jacob llave.

Ges jas na Atis, Prote-J tu i putim sampela namba wantaim Taz na Delma Minei, pastaim long em i putim aut wanpela nupela stail Tim PNG Song bilong Daddy G.

Taim dispela nait i pinis, Morris Opeti bilong Buka tasol i sanap long wankain mak yet na boi ya i autim K50,000 prais mani bilong Vokal Fiusen Sisen 2.

Namba tu ples i go long Sumira Natera husat i kisim K20,000 na namba tri ples em Jeremiah Prout bilong Alotau na em tu i kisim K10,000 na Tiny Mau i kisim namba 4 ples wantaim K5,000.

Nau tupela sisen i pinis gut stret na PNG i skin guria stret long lukim narapela Vokal Fiusen sisen gen bihain long 2015 Pasifik Gems. Ol pait bilong kisim namba wan ples insait long tupela sisen, wantaim moa pipel long lukim moa resis, bai ol jas i apim moa mak bilong jas long luksave stret long dispela namba wan supasta singa bilong PNG.

Ol sapota i tok gavman i mas kirapim wanpela rekot studio long kantri na patna wantaim EMTV long painim ol nupela stail singa. Tasol nau yet ol Buka na Atonomas Rijon bilong Bogenvil i wok long amamas na selebretim win bilong wanpela man bilong rijon husat i kisim namba wan ples insait long dispela nambawan Trupela Musik So resis.



Media Niugini Limited Sif Eksekyutiv Opisa, Bhanu Sud, i givim namba wan prais K50,000 sek i go long Sisen 2 Wina Morris Opeti, bilong Buka.

Vokal Fiusen Sisen 2 Wina, Morris Opeti kisim wina tropi long Media Niugini Limited Sif Eksekyutiv Opisa, Bhanu Sud.



wantaim arapela lain na mi kilim planti man na mi kam. Em i tokim meri olsem na kisim meri i go long ples bilong em. Tupela i kamap long haus bilong em na tokim meri, yu go sindaun long haus. Mi mas go dringim sampela wara. Tasol em i tewel na i no kam bek long haus.

Nau meri i sindaun liklik tasol long haus na wanpela singaut i kamap na tok Nikint ol i kilim em long pait na mipela i karim bodi bilong em i kam. Meri i harim nius olsem na bel bilong em i nogut tru na i krai i stap long haus.

Ol i karim bodi bilong man i kam long haus na meri tok; mi laik yupela i lusim bodi bilong man long haus kol bilong em. Em i tok olsem na ol man i bekim tok, maski yumi mas planim bodi bilong em. Meri i strong yet na ol i putim long haus kol bai bodi i no ken sting.

Meri i kukim hatwara na kapsaitim long skin bilong man nau, nan i kirap laip gen na kaikai. Ol manmeri i amanas nogut tru, ol i kirap ol i kilim Ol pik na mekim pati bilong em.

Thomas Mek. CTC, Pumakos, Enga Distrik.

TOKSAVE:



WANTOK i askim ol gutpela rida bilong em long salim ol **tumbuna stori** i kam na bai mipela i putim long niuspepa. Sapos stori bilong yu i gutpela na mipela i putim long niuspepa, bai yu winim **K50** we mipela bai salim i go long akaun bilong yu, o salim mobail yunit inap long **K50** i kam long fon bilong yu.

Salim nem, edres na mobail namba bilong yu wantaim stori i kam long dispela edres:


Stori Tumbuna, Wantok Niuspepa, C/Word Publishing Company, P O Box 1982, BOROKO, NCD, PNG o email edres: editorial@wantok.com.pg Telepon namba: 3252500.

Tenkyu

Em nau! Ol pikinini i ken painim rot
i go long ples wantaim Wantok kru...



EM ORAIT



Ol wod lista hia:

- | | |
|-------------|-----------|
| AGENSIM | KAIKAI |
| AGRIKALSA | KALAPA |
| BAIM | LAIPSTORI |
| BAMIM | LAIT |
| BAKSAIT | MAGANI |
| DAUN | MANGAL |
| DINAU | NIDEL |
| EKSESAIS | PAIAWUT |
| FASBON | WILWIL |
| GIAMAN | |
| GOAN | |
| HAIDRO | |
| HANI | |
| HAPSAIT | |
| INTENESENEL | |
| JASTIS | |

N N M I L Y I G N T E A L N I W T G E U
R P U A E I D T L K M Y A R T N I R I R
D V N J D U G L D R A O T P E X J E F P
N R R S E M I T Q W G I P T T P E E E J
M E M S C M X G N O A Y K P I R A M I L
B A I M I N A R M S N E F A F Z T I S X
J R K M G A K N K P I K P P I U P Y F O
A R A E K T R A G E N S I M W D L D D E
S B S T N E B M R A A E A A O S L F G P
T D C E I S P I Q I L S I R M E T A W G
I N T E N E S E N E L A D K D E N G L T
S R H I U E W L C A P I G I N E T L T K
H A N I O O N A K N A S N D N Y O H D W
A A S G Y O L I A H L D E S A A R E T C
N K P I B I R T I O E O F A E S U O E U
I G A S W G I A M A N M K L H H C T S S
R C A L A I P S T O R I J J E A F G Q W
G F I F A I L E Q Z T C A E N G Q A N C
R W P M E P T S Z M E C H I I Q U G T H
D A U N E Z A J M E D Y O M R E E S N M

Sudoku

	9	4		7				1
				2	8		5	4
	8	5			1		6	
5					7			6
		7	5		6	4		
1			4					2
	1		7			9	4	
4	7		1	9				
3				6		1	2	

	7			3		8	1	
8		3			6	7		
			4					9
	2			1				6
		4	3		9	5		
9				5			8	
7					1			
		9	5			1		7
	4	1		9			6	

Ansa bilong Sudoku # 103 na # 104 neks isu

8	9	1	3	7	5	4	2	6
6	2	7	4	1	8	3	9	5
3	4	5	9	2	6	7	1	8
1	7	8	2	5	4	9	6	3
2	6	9	7	8	3	5	4	1
4	5	3	1	6	9	2	8	7
7	3	4	8	9	1	6	5	2
9	8	6	8	3	2	1	7	4
5	1	2	6	4	7	8	3	9

1	6	4	8	2	3	9	5	7
2	7	5	9	1	4	8	3	6
3	8	9	7	6	5	4	2	1
5	2	6	4	3	9	1	7	8
9	1	8	5	7	6	3	4	2
7	4	3	1	8	2	6	9	5
6	9	7	3	5	8	2	1	4
8	3	1	2	4	7	5	6	9
4	5	2	6	9	1	7	8	3

Ansa bilong las wik Sudoku # 101 na # 102

Ansa bilong Wod Pilai isu 2122

W L E U Q R N X H A A A B A I N A T J M
T S T E D A P R R X O E O F A I M O L H
E M K M C W H D Q D F T U H S E E H G F
K S N S P A D T S Y Z J P F G T D Z F U
E O L S E F E M E R E E L R O D A H E R
P N R E E T E Q R S L N A L R Q I L L E
L V H B J B E D I N P E I V G W M T L T
M S A Z J A D N K R G R A S O P A O F O
H M S F I G E A E I O A I D R W N E B T
Q T O S M A L I S T A L E S V E N H A C
N T G N C A A T K T H C O I C A D M K T
R L M V K N I A F T A R I M M E I Y E I
O R T A T G E Q S J O W N L D A Y S T M
G T K S V L E D U K E S E N M R L R A G
R T Z Z S R D D O P D M A L U M A L U E
C F E R A I D K G N A H A I S A P M N D
M A F O O L M O X N F B I L I T Y T W N
S F W S D D K H F I E R L A Q L P G E E
P O A N L D D N A L J X E T N A P I M X
C I O L O F R B E I H N V N K S E N H L



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)



ABG ILEKSEN: Elizabeth Burain, wanpela meri lida i putim vot pepa bilong em. Poto: ABC



NAISPELA PIKSA: Ol nambis ples long Kieta na ol ples klostu. Poto: ABC

Bogenvil bisnisman i no wanbel long gavman

WANPELA turis bisnisman bilong Bogenvil i tok tingting bilong gavman long stopim ol pipel bilong Australia long go long Bogenvil bai kamapim hevi gen long ol pipel.

Ripot i kam long ABC Nius i tok olsem papa bilong Bogenvil Ekperiens Tours, Zhon Bosco Miriona i tok pasin em Papua Niugini gavman i mekim long stopim ol pipel bilong Australia long go long Atonomos Rijon bilong Bogenvil, bai kamapim hevi long ol pipel bilong Bogenvil – i no long Australia.

Mista Miriona i tok ol pipel bilong Bogenvil i bin kisim taim nogut taim PNG i bin putim bloked, na dispela em i wanpela kain bloked gen.

Mista Miriona i tok tupela gavman bilong PNG na Australia i mas toktok na stretim dispela hevi long wanem em bai bagarapim ol wok bisnis em i stat long kamap gut long Bogenvil.

Em i tok, sapos PNG i kros long Australia, em i mas stopim ol wok bilong kirapim opis bilong en long Bogenvil - na i no kamapim nating gen ol hevi long ol pipel bilong Bogenvil.

Mista Miriona i tok Bogenvil Eksperiens Tours em i wok long olgeta hap bilong Bogenvil na em i save stretim wokabout bilong ol turis i go kam long Solomon Ailan.

Planti vota i no gat nem long komon rol

PLANTI pipel long Arawa na Panguna long Sentral Bogenvil i kros long wanem nem bilong ol i no bin stap long ol komon rol.

Peter Arwin, wanpela vota long Panguna distrik husat i wok long Arawa taun i toktok wantaim Sam Seke bilong ABC long dispela hevi.

Mista Arwin i tok planti pipel long Arawa na Panguna long Sentral Bogenvil i tok ol pipel i gat bikipela laik tru long vot long dispela ileksen.

Em i tok ol pipel i laik votim lida husat bai makim ol long nupela gavman long mekim disisen long bihain taim bilong Bogenvil.

Em i tok ol pipel i no amamas taim ol i lukim olsem nem bilong ol i no stap long lista bilong ol vota.

Tasol Mista Arwin i tok maski ol pipel i kros long dispela, ileksen long Arawa na Panguna stat long Mande long wik i go pinis i kam inap nau i bin stap isi.

Sampela i tok olsem, nesenel Gavman i bin katim mani bilong Bogenvil Ilektoral Opis olsem na ol i no bin mekim gut wok bilong ol.

Vanuatu bai sapotim Wes Papua indipendens

VANUA'AKU Pati husat i go pas long gavman bilong Vanuatu i tok bai em i no inap senisim tingting bilong en long sapotim "self-determination" bilong ol pipel bilong Wes Papua.

CEO bilong Vanua'aku Pati, Avio Niki Robert i tokim ABC Nius olsem dispela em i as tingting tu bilong ol Melanesian kantri i bin statim dispela Melanesian Spearhead Grup.

Em i tok em i "prerogative" o laik bilong PNG gavman sapos em i laik long Indonesia i kamap memba bilong MSG.

Tasol Mista Robert i tok Vanua'aku Pati na gavman i lukim olsem dispela Yunaitet Liberesen Muvmen nau i makim tru ol pipel bilong Wes Papua, na i gut sapos em i kamap ful memba bilong MSG.

PNG na Pasifik pipel i holim haus kra

TAIM i kamap bilong pinisim vailens egensim ol meri long Papua Niugini na Pasifik rijon na tu long ol narapela kantri long wol..

Philma Kelegai, bilong Leniata Legacy i toktok wantaim Caroline Tiriman bilong ABC long dispela haus kra.

Philma Kelegai i bin helpim long statim Leniata Legacy, bihain long sampela i bin kilim yangpela meri Kepari Leniata long Westen Hailans provins long 2013.

Ol i bin sutim tok long Ms Leniata olsem em i wanpela sanguma meri.

Mis Kelegai i save stap long Queensland i mekim dispela toktok bihain long bung o Haus Krai em i bin kamap long Brisbane, na 11-pela arapela siti long wol long Sarere.

Toktok bilong Ms Kelegai i kamap long wankain taim Australia i wok long lukluk long kamapim ol strongpela domestik vailens lo.

Em i tokim Radio Australia olsem planti pipel bilong PNG, Australia na ol narapela

Pasifik Ailan kantri i bin stap long dispela Haus Krai long Brisbane.

Ol Pasifik lida i no ken oraitim Pacer

PACER-PLUS tred bai mekim ol Pasifik pipel i lusim ol risos bilong ol na em bai i no inap helpim ol.

Gary Juffa Gavana bilong Oro provin i toktok wantaim Caroline Tiriman bilong ABC long tingting bilong em.

Mista Juffa i tok ol Pasifik lida i no ken oraitim dispela wokbung long tred ol i kolim Pacer-Plus namel long Australia, Nu Silan na ol Pasifik kantri long woanem em bai mekim ol pipel long rijon i lusim olgeta risos bilong ol.

Mista Juffa i mekim dispela toktok bihain long wanpela Pacer Plus miting long Vanuatu we ol opisa bilong Australia na Nu Silan i bin bungim ol maus man na meri bilong Pasifik long toktok long dispela wokbung tupela wik i go pinis.

Planti NGO grup bilong rijon i save tok dispela Pacer-Plus bai helpim tasol Australia na Nu Silan na ol Pasifik pipel bai lus.

Dispela plen bilong statim Pacer-Plus i stap longpela taim pinis, tasol ol i no kamapim yet wanpela tok orait long en.

Gavana Juffa i tokim Radio Australia olsem dispela kain wokbung em i no wanpela trupela wok.

PNG Ilektoral Komisin mani na Bogenvil ileksen

ILEKTORAL KOMISIN i bin salim mani leit long wok redi bilong ileksen na dispela i kamapim sampela hevi long ileksen opis long Bogenvil.

Ekting Ilektoral Komisina bipo long Bogenvil, Mathias Pihei i toktok wantaim Caroline Tiriman bilong ABC.

Nesenel Ilektoral Komisen, na ol pipel yet long Bogenvil i bin kamapim hevi.

Mista Pihei i tok, Ilektoral Komisin long Mosbi i no bin salim mani kwik long opis bilong em long Bogenvil long redi gut dispela ileksen.

Planti pipel long planti hap bilong Bogenvil i no bin painim nem bilong ol long komon rol na dispela i bin stopim ol long putim vot bilong ol long dispela ileksen.

Mista Pihei i tok tu olsem, ol pipel tu i bin asua long ol i no bin go long sekap sapos nem bilong ol i bin stap long ol konstituensi

bilong ol o nogat.

Emi tok dispela kain pasin we nem bilong ol pipel i no stap long komon rol i no kamap tasol long Bogenvil, em i save kamap tu long bikiples PNG.

Pait namel long tupela grup long Mosbi

SEVENPELA pipel i kisim bagarap na i go long haus sik long Mosbi bihain long pait i kamap namel long tupela grup.

NCD Metropolitan Suprintenden Andy Bawa i tokim ABC olsem samting olsem 7-pela pipel i stap nau long haus sik bihain long pait i kamap namel long ol pipal bilong Isten Hailans na Simbu provins.

Em i tok 4-pela bilong ol dispela pipel i stap Intensive Care Unit (ICU).

Suprintenden Bawa i tok pait i bin stat bihain long wanpela spakman bilong Simbu i bin paitim wanpela yangpela man bilong Isten Hailans.

Em i tok dispela tupela lain i bin yusim ol kain samting olsem spia, ol akis na naip long dispela pait bilong ol i bin kamap long 6 Mail, klostu long domestik ples balus.

Malaita Atol pipel i kisim save long ogenik faming

KASTOM Gaden Asosiesen bilong Solomon Ailan i givim ol dispela trening.

Menesa bilong Kastom Gaden Asosiesen bilong Solomon Ailan Clement Hadosaia i toktok wantaim Caroline Tiriman bilong ABC .

Lain bilong em i save helpim ol pipel bilong Solomon Ailan long planim ol gutpela kaikai, na Kastom Gaden Asosiesen i tok tenk yu long gavman bilong Australia long helpim wok bilong ol.

Mista Hadosaia, i mekim dispela toktok bihain long wanpela trening em Asosiesen i bin givim long Dal ailan long Malaita provins i no long taim i go pinis.

Dispela trening i bin karamapim wok bilong planim ol kaikai olsem ol pipel i save mekim bipo o ogenik faming na tu ol nupela wei bilong planim kaikai long ol basket.

Dai ailan i pulap tasol long wesan, na karanas na em i no isi long ol pipel long planim kaikai, na tu planti sol i save bagarapim ol kaikai.

Ol i tok klaimet senis i wok long helpim long kamapim ol dispela hevi.

Disisel i tokaut long nem bilong nupela fon long mipela ol pipel bilong PNG



SAMSUNG GALAXY S6 na Galaxy S6 Edge em i nupela fon we Digicel i bin tokaut long ol pipel bilong Papua Niugini na em i kamap olsem 6-pela jeneresen fon. Sif Eksekutiv Opisa bilong Digicel PNG, Murice McCarthy, i tok olsem dispela fon em i namba wan teknoloji long olgeta kantri na Digicel i amamas tru long karim dispela fon i kam long PNG.

Mista McCarthy i tok moa olsem, husat man o meri i yusim dispela fon bai i kisim moa save long we bilong kisim nupela aplikasen long fon na tu

bai yusim long ol narapela bisnis.

Dispela nupela 'S' jeneresen fon i putim nupela mak long wokim disain na ol narapela samting moa, na tu ol i wokim long ain na strongpela glas.

Mista McCarthy i tok moa olsem dispela fon i gat kamera long baksaid na fran wantaim. Dispela kamera i save givim gupela piksa long san taim na nait wantaim.

Dispela fon i save kisim tenpela minit tasol long sasim na bai i yusim insait long foapela aua olgeta na em i save wok hariap tru.

Nau Digicel i salim dispela fon long wanwan ritel outlet bilong Digicel long K2,199.00.

Ramu NiCo putim moa long K155 milien long 2014

RAMU NiCo Menesmen (MCC) Limited, developa bilong bikipela nikel/kobalt projek long Madang provins i tokaut long 2014 mani ripot bilong en olsem em i putim moa long K155 milien long baim ol samting insait long PNG.

Ramu NiCo i tokaut long dispela insait long namba wan kwata rivi miting we i bin kamap long las wik Fonde long Madang.

Bisnis Developmen seksen bilong Ramu NiCo i tokaut long mani ripot olsem kampani i bin baim ol samting insait long PNG na yusim mani mak stret olsem K155,404,094.10 long yia 2014.

Moa long ol dispela mani kampani i yusim em long baim ol fiul, ges na ol arapela samting.

Long ripot olsem en, Ramu NiCo i tokaut tu olsem em i givim mani mak olsem K30 milien i go long ol lenona kampani we i lukim Raibus Limited i kisim moa long K28 milien, KBK Limited i kisim K121,307.47 Maigari i kisim K137,869.00, Basamuk Entaprais i kisim K852,918 na ol arapela klen kampani na wan wan lain i kisim moa long K1 milien long las yia 2014.

Wanpela lenona kampani tasol long las

yia i no bin kisim kontrak long Ramu NiCo em Wass Matau. Tasol long luksave bilong Ramu NiCo, dispela lenona kampani tasol i ran orait stret na winim ol arapela bihain long em i kirapim operesen bilong en long 2006.

Bisnis Developmen Opisa wantaim Komyuniti Afes Dipatmen bilong Ramu NiCo (MCC), Brodney Seip, husat i givim ripot makim kampani i tokaut olsem long 2014, Ramu NiCo i bin givim 40 kontrak i go long ol lenona kampani we sampela i go het yet, we wanpela i stap long Madang, tupela long ol wok-sait, KBK Main wantaim 24, Inlen Paipain tripela, Kostal Paipain tripela na Basamuk em seven-pela bisnis kontrak.

Mista Seip i tok long 2014 kampani i givim tu 6-pela kontrak, tasol 20 em long-taim kontrak, na 20 em sot-taim kontrak. Long 2015 ol i givim gen arapela faivpela kontrak.

Mista Seip i tok Ramu NiCo Projek em wanpela bikipela invesmen insait long Madang provins na PNG, we i stat operesen long mun Desemba 2012 tasol em i gat bikipela wok i stap yet long helpim stret ol papagraun long Madang provins na strongim ekonomi bilong provins na PNG.

Bikpela populesen bilong kantri i no gat insurens

Stanley Nondol i raitim

BIKEPela populesen bilong kantri i no gat insurens long kisim helpim long taim bilong dai o sik. Dispela mak i stap daunbilo long wol.

Planti milien pipel long Papua Niugini i no gat save long fainens na i no yusim ol sevis bilong benk, na tu i no gat insurens long banisim laip bilong ol na famili long kisim helpim long ol taim nogut.

Wanpela delgesen bilong Yuropien Yunion (EU) husat i kam long kantri, Misis Maria Cristoba i tok Papua Niugini i gat liklik namba bilong ol pipel i gat insurens na i sanap long 2 pesen long makim Gros Domestik Prodak (GDP). Em i tok dispela em liklik namba tru long wol everes bilong wan wan kantri long 7.5 pesen.

Misis Cristoba i tok i tok sampela samting i pasim rot bilong ol pipel i no stap long insurens sevis em edukesen, ol insurens kampani i no go long ol ples, prais bilong baim insurens na ol primiam o mani.

Long taim bilong opim wanpela mobail insurens kampani long Pot Mosbi, Misis Cristoba i tok EU, BPNG bai wok bung long sapotim Mobail kampani ol i kolim BIMA long givim insurens evis long Hailans rijon long PNG.

Gavana bilong BPNG, Loi Bakani i tok bikipela populesen bilong Hailans rijon i no

yusim ol benking sevis na BPNG i sapotim BIMA long helpim ol pipel long stap insait long Fainensel Inklusen Program.

BIMA i lukluk long givim insurens sevis long 75,000 pipel wantaim liklik pe bilong baim insurens long wan wan mun long ol pipel i stap long ol rurel eria bilong PNG insait long tupela yia. Na 50 pesen em bai ol meri long ol rurel eria.

BPNG i wok bung wantaim EU aninit long Pasifik Fainensel Inklusen Program long BIMA bai yusim Digicel netwok long givim insurens long laip na haus sik long ol pipel long kantri.

Aninit long mobail program, bai i no gat pepa wok, ol kastoma bai salim teks mesej long ol bai rejista na stap insait long insurens.

Dispela em laip insurens na i gat 3-prais bilong en; daunbilo mak bilong insurens bai em K4,000 sapos yu baim K3.60 long wan wan mun na bikipela em K12,000 sapos yu baim K10.80 long wan wan mun.

Dispela insurens em bilong wan wan man o meri husat i rejista wantaim Digicel. Ol kastoma bai stat long kisim sapot bilong BIMA bihain long wanpela mun bilong baim insurens na yu bungim hevi.

Digicel i tokaut olsem i no gat sas bilong dispela sevis.

Ol kastoma i ken stat go insait long insurens sevis wantaim BIMA. Dailim70908162 na bihainim ol toktok.

Kabinet i tok orait long Kumul bisnis

NESENEL Eksekutiv Kaunsil i tok orait long Lejisletiv Kaunsil long raitim draf lo bilong mekim wok bilong ristraksa bilong Kumul Holdings.

Praim Minista Peter O'Neill i tok kabinet i tok orait pinis long dispela senis long wanpela miting i no long taim i go pinis. Dispela bai lukim draf bilong lo bai kamap long Kumul Petroleum Holdings Atoraisesen Ekt 2015, Kumul Minerels Holding Atoraisesen Ekt 2015 na Indepeden Pablik Bisnis Kopresen (IPBC PNG) (Kumul Konsolidated Holdings Limited) Amended Ekt 2015.

Mista O'Neill i tok kabinet i givim tok orait long Fes Lejisletiv Kaunsil long raitim draf lejislesen aninit long draf instraksen bilong gavman.

Praim Minista O'Neill i tok i kabinet tu i givim tok orait long Dipatmen bilong Atoni Jenerel na Minista bilong Atoni Jenerel na Jastis long mekim olgeta wok long givim setifiket bilong komplaiens long Ekt long Fes Lejisletiv Kaunsil.

Kabinet i givim narapela tok orait long givim kopi i go long ol opis long palamen taim draf

lejislesen i pinis.

Praim Minista O'Neill i tokaut olsem Kumul Ristraksa bai lukim gupela na strong ol entiti bai kamap. Ol sampela entiti bai kamap aninit long ristraksa em;

- Kumul Petroleum Holdings Limited (pastaim bin stap olsem Nesenel Petroleum Kampani PNG Holdins o NPCP);
- Kumul Minerels Holdings Limited (pastaim i bin Petromin) i save lukautim intres bilong gavman long minerals; na
- Bai sensim nem IPBC i go long Kumul Konsolidated Holdings Liited (Kumul Konsolidated).

Moa long en, kabinet i tok IPBC i mas helpim ol minister long kamapim ol senis long mekim ristraksa i kamap isi.

Em i tok dispela ristraksa o senis bai kamapim bikipela senis na gupela na stretpela wok bai kamap long IPBC na ol bisnis bilong gavman olsem PNG Pawa, PNG Ports, Telikom, Air Niugini, NPCP na ol arapela Stet Entaprais o SOE.

TRED na invesmen tim bilong PNG i kam bek las wik bihain long ol i go long Israel long sainim ol agrimen na strongim tred na invesmen rilesen wantaim Israel. Dispela i bihainim wanpela lukluk raun bilong Praim Minista Peter O'Neill i go long hap we em i sainim agrimen wantaim Israel long 2013.

Minista bilong Tred, Komes na Indastri, Richard Maru i kam bek long Israel we em wantaim tim bilong em i go kamap long 19 Agrikalsa Eksibisin. Em i tokim ol nius lain olsem Israel i redi long helpim PNG long developim planti bikipela egrikalsa projek.

Ol sampela memba bilong delegesen Minista Maru kisim i go long Israel em Minista bilong Hausing Paul Isikiel wantaim ol delegesen bilong em long Markham we ol i pinisim ol toktok wantaim wanpela kampani bilong Israel long developim kakao na ol arapela egrikalsa bisnis long Markham Veli. Na Menesing Dairekta bilong L.R Grup husat i bin developim egrikalsa fam long 9-mail, Pot Mosbi na Koroba Agro-Indastri long Hela provins.

Ol i go long invaitesen bilong gavman bilong Israel. Ol 35 kantri i kamap long dispela 19 Agri-Tech Eksibisin. Bikipela na nupela teknoloji bilong egrikalsa i stap long Israel na ol arapela kantri long wol i go long lukim, lainim na go mekim wankain projek long kantri bilong ol.

Israel i gat laik long helpim egrikalsa long PNG

Stanley Nondol i raitim



Minista Maru i laik rejista long go insait long Agri-Tech miting long Israel.

Minista Maru i tok "Em i luk orait long bikipela transfomesen o bikipela senis tru bai kamapa long egriklasa sekta bilong PNG sapos yumi yusim ol skil na save na teknoloji Israeli i bin yusim long las 60 yia. Mipela tu bin holim ol bai-leterel mitng wantaim Israeli Minista bilong Egrikalsa, Foren Afeas na Israeli Developmen Ejensi."

"Na tu mipela toktok wantaim ol praivet sekta bilong Israel long setim Praivet ekwiti fan long PNG long wokim ol bikipela ol egrikalsa projek na ol arapela komesel invesmen we em i ken helpim PNG."

PNG delegesen i bin go lukluk raun long ol dairi fam, prut na vestebel fam, prut prosesing plent, kakaruk kiau fam we em i bin bikipela eksport eria Israel i

save kisim bikipela winmani long en.

Minista Maru i tok Israel em i gat bikipela egrikalsa teknoloji na tanim bikipela deset i kamap ol fam eria na i mekim planti bilien mani long wan wan yia. Em i tok PNG i westim 40 yia pinis na nau yumi bai lukluk long wok strong wantaim Israel bikos ol arapela kantri olsem Nu Silan na Australia i go kisim helpim, so em i rait olgeta long wok wantaim Israel.

PNG i gat bikipela graun na ol planti bikipela wara na winim Israel. Israel i gat liklik graun tasol i go pas long kain kain egrikalsa projek na i gat laik long helpim PNG. Planti kantri PNG i save mekim bisnis wantaim long planti yia i no helpim yumi long developim ol bikipela projek na yumi westim 40 yia pinis.

Moa long 400,000 opim benk akaun aninit long CEFI

Stanley Nondol i raitim

MOA long 400,000 pipel i opim akaun aninit long wok bilong Senta bilong Ekselens na Fainensel Inklusen (CEFI) program long pinis bilong 2014 na i wok yet long opim wan milien akaun long pinis bilong 2015.

Wanpela woksop Benk bilong Papua Niugini (BPNG) i holim long luksave long rot CEFI program i ran long givim fainensel litresi program long ol pipel i no gat save long benking sevis i tokaut olsem 440,000 pipel i opim benk akaun na 32 pesen em ol meri.

Gavana bilong BPNG Loi Bakani i tok planti milien pipel bilong Papua Niugini i no gat save long fainens na i no yusim ol benking sevis yet. Em i tok planti bilong ol populesen em long Hailans rijon wantaim 91 pesen i no gat benk akaun, na Morobe i kam namba tu wantaim 83 pesen.

Mista Bakani i tok BPNG, ADB na Australia gavman i wok bung wantaim ol 6-pela grup long givim fainensel litresi program na opim akaun bilong wan milien pipel husat i no yusim benking sevis o ol i fainenseli ilitret.

Long woksop las wik ol 6-pela grup i kamap givim ripot long wok bilong ol na ol rot ol bai mekim long dispela yia long kamap wantaim wan milien nupela akaun bilong ol pipel long kantri.

Aninit long CEFI program BPNG i go pas i gat 7-pela bikpela tingting;

- 1 Long givim fainensel sevis long 1 milien pipel husat i no save yusim benking sevis bipo wantaim helpim bilong maikro na liklik entaprais wantaim ol kain kain fainensel sevis we 50 pesen i mas ol meri.
- 2 Long helpim planti yangpela i mas i gat save bilong fainensel edukesen.
- 3 Long yusim ol tenkoloji long mekim isi long fainensel sevis i go long ol pipel.
- 4 Long kamapim gutpela ol gaidlains long banisim ol konsuma.
- 5 Long kamapim rot long bungim fainensel inklusen program wantaim nesenel na lokal level gavman.
- 6 Long kisim ol infomesen na fainensel data na wok wantaim ol polisi meka na kamapim rot bilong olgeta pipel bai stap insait long fainensel program.
- 7 Na yusim ol risal bilong antap long skelim ol infomesen wantaim ol stekholda na developmen patna aninit long CEFI we BPNG i go pas long en.

Mista Bakani i tok tenkyu long BSP, ANZ na Westpac benk, ol laisens fainensel institusen olsem ol maikro benk na Savings na Lon Sosaiti na ol supa anuesen fan wantaim ol developmen patna olsem ADB, Wol Benk na DFAT na EU long gutpela wok bilong ol long 2014 long statim program bilong fainensel inklusen long PNG.

Air Niugini i givim luksave setifiket

BIKPELA balus kampani long kantri, Air Niugini bot na menesmen i givim setifiket bilong luksave i go long ol tripela wokman na meri las wik long makim longpela yia bilong sevis wantaim kampani.

Kepten Rhys Molony na Nangalingam Kulanthai i kisim awod bilong Sif Eksektiv Opisa (CEO) setifiket long sevis bilong tupela long ol wok tupela i mekim long baim Fokker 70 i kam insait long flit bilong Air Niugini.

Daisy Pumwa i kisim setifiket long sevis bilong em long Greduet Ealain Operesen kedets indaksen projek.

Ol tripela i kisim luksave long bikpela

wok ol i mekim long projek menesmen skil, projek akumen, dedikesen na profesenelisim.

Siaman bilong Air Niugini bod, Sir Frederick Reiher na CEO bilong kampani, Simon Foo i givim setifiket long ol tripela long Pot Mosbi.

Mista Foo i tok long kisim nupela balus i kam insait long kampani em i no isi wok. Em hatwok we i gat wok bilong kodinesen namel long planti eria insait long ealain indastri.

Dispela wok i lukim planti wok i save kamap namel long planti eria olsem nid bilong ol operesen, wok bilong provaidim mentenens, kampani i wokim balus na Sivil Eviesen Sefti Atoriti bilong PNG na

planti hatwok i kamap na lukim nupela balus i kam insait long kantri.

Mista Foo i tok Kepten Molony na Mista Kulanthai i menesim olgeta ki eria na kodinet gut na kamapim ol trening bilong ol pilot, kebin kru, maintenens bilong balus, na ol sapot long graun na ol arapela wok redi bilong ol staf na fesiliti.

Mista Foo i tok kisim ol gutpela greduet bilong ol yunivesiti na strongim ol long wok long gutpela bilong kampani long bihain taim em wanpela bikpela wok we Misis Pumwa i mekim.

Em i go pas na lukim ol wanem wok kampani i nidim na wanem ol lain bai fit long wokim long nau na long bihain taim.



Link PNG opim nupela sevis long Milen Be

LINK PNG (LPNG), liklik kampani bilong Air Niugini i opim nupela sevis long Losuia ples balus long Kiriwina, Milen Be provins long Fraide, 25 Epril long dispela yia.

Minista bilong Pablik Entaprais na Stet Invesmen, Ben Micah, Bod Siaman bilong LPNG na Air Niugini, Sir Frederick Reiher, Sif Eksektiv Opis bilong LPNG, Daniel Wanma, Memba bilong Kiriwina Goode-nough na Minista bilong Forest, Douglas Tomuriesa na ol narapela lokal memba na ol bikman i go long Kiriwina long opim [dispela sevis.

Minista Micah i amamas long LPNG long karim sevis i go long ol long we hap na ples we bai no gat planti profit o winmani na tu long bungim nid bilong ol kantri na ol pipel long sait bilong transpot. "Link PNG i luksave long gutpela na seif sevis we ol pipel i ken kisim long ol long we hap bilong PNG, na em i gutpela long lukim Link PNG i bungim dispela naispela hap bilong kantri wantaim olgeta hap long PNG," Minista Micah i tok.

Sir Frederick i tok Link PNG i amamas long givim sevis long ol pipel long ol long we ples na wantaim Losuia, i kisim total bilong LPNG destinesen i go long 14 hap.

"Olsem ol narapela hap insait long Milen Be, Kiriwina i no save givim planti

long ol distrik sevis na turisim.

Ol naispela ailan i nais stret, ol marin laip, laip stail na kalsa bilong yupela i gutpela bilong ol turis long lukim na ekspiriensim. LPNG i amamas nau olsem em i ken bungim ailan bilong yupela wantaim olgeta hap insait long kantri," Sir Reiher i tok.

Ol komesel ran bilong LPNG i long Kiriwina i stat long Mas 30 na ol i opim long Epril. Long dispela i gat tupelo ran bilong balus i go long hap long wanpela

wik, long olgeta Mande na Fraide.

Long wankain taim, LPNG i karim sevis bilong en i go long Kiunga, Hagen na Lae i go long Rabaul. Long nupela skesuel long pinis bilong Mas, LPNG bai operet long Lae i go long Hoskins, Rabaul na go bek long Lae.

LPNG i save operet long 12-pela hap. Tasol, nau wantaim Losuia na Maunt Hagen em i go antap long 14 hap.

Elain Des 8 Flit i save operet long olgeta sevis bilong LPNG.

Ol meri long Milen Be i bilas na opim nupela rot bilong balus long Losuia wantaim ol bikman long beksait.



MORE DIRECT FLIGHTS MORE CONNECTIONS TO AUSTRALIA

Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES



BRISBANE

13 times weekly from POM*



CAIRNS

11 times weekly from POM**



SYDNEY

2 times weekly from POM

* POMBNE twice daily except for Sat.
** POMCNS twice daily except for Tue/Wed/Sat.
CNSPOM twice daily except for Wed/Thu/Sun.

For more schedule information, go to www.airniugini.com.pg

Pipel bilong Nimamar LLG i kisim kapa

Tony Sapan i raitim

SAMTING olsem 276 famili bilong Hurtoi na Talles viles insait long Wod 7 bilong Nimamar Lokal Level Gavman (LLG) i bin skelim 3,324 ol hap kapa bilong haus.

Dispela em i namba wan kain helpim olsem i kamap long wanpela lokal level gavman wod na i no long Lihir Ailan tasol long Nu Ailan provins olgeta.

Skelim bilong 12-pela 14 fit hap kapa i go long ol wan wan famili i kam long ol Wod Developmen Komiti (WDC) na Viles Plening Komiti (VPC) bilong ol bikos ol i bilip olsem dispela bai helpim ol long wokim gutpela haus we ol i ken kisim gutpela wara bilong dring na ol narapela nid long haus.

Ol i bin baim ol dispela kapa long K181,000 wantaim mani i kam long

Spesel Sapot Gren bilong Lihir Gol Projek.

Em i hap bilong 3,400 hap kappa ol i baim wantaim tingting long strongim ol pipel insait long wod long wokim ol model haus bilong ol famili.

Ol pipel i tok taim ol i givimaut ol dispela kapa, ol i tok i no ol pipel tasol i bin votim wod memba bilong ol, Michael Loskit, tasol planti famili em WDC na VPC i ting ol ken kisim dispela helpim long strongim ol mekim gut sindaun bilong ol long wokim ol gutpela haus bilong famili bilong ol.

Ol pipel i kisim dispela kappa insait long Wod 7 bilong Nimamar LLG bai i kisim moa helpim i no long taim i kam wantaim ol senso long helpim ol long katim timba bilong ol yet long wokim ol nupela haus bilong ol.

Nimamar LLG i helpim long baim kapa bilong ol pipel bikos Viles Developmen Skim bilong Lihir Gol Main i save wokim haus bilong sampela pipel bilong Lihir.

Ol papa graun i no gat bisnis

Tony Sapan i raitim

Ol i tok kampani i ranim Lihir Gol Main i no save long maining na i no bihainim ol tok orait em ol i sainim namel long Nesenel Gavman na Nu Ailan Provinsal Gavman, Nimamar Lokal Level Gavman na Lihir Maining Eria Lenona Asosiesen (LMALA).

Siaman bilong LMALA, James Laketan i tokaut long dispela long memba bilong Namatanai na Maining Minista, Byron Chan, insait long wanpela miting wantaim ol papa graun bilong Lihir.

Mista Laketan i tok ol papagraun i no gat bisnis stat yet long taim main i op, bikos ol

kampani i ranim main i no bihainim ol tok orait long wok bilong dispela main.

Em i tokim maining minista olsem rot we kampani i ranim main i lukautim main na pasin bilong en long wok wantaim ol papagraun i no gutpela.

Na em i tok ol i no amamas long dispela pasin.

Long toktok bilong en, Mista Laketan i tok long dispela taim, kampani i wok long givim kontrak long ol ausait kampani i no bilong Lihir long ol wok we ol i passim aninit long ol tok orait bilong ol kampani bilong Lihir tasol, olsem long bisnis bilong ranim siping sevis. Ol papa graun i no gat bisnis

Ais pundaun long Sinokepa hauslain

Sape Metta i raitim

I NO long taim nau klostu long 600 Sinokepa hauslain komyuniti long Goroka Lokal Level Gavman (LLG) Wod 4 bai bungim hevi bilong hanger bihain long bikpela ren i bin pundaun wantaim ais na bagarapim ol kaikai gaden bilong ol long tupela wik i go pinis.

Viles komyuniti lidaman na olupela kaunsila bilong dispela

wod eria, Saida Dekenovia, i tok nau yet, ol pipel long hauslain i wok long lukim ol kaikai long gaden bilong ol i wok long senisim kala bihain long ais i pundaun, kukim na draim ol dispela kaikai.

Em i tok ol pipel bai kisim taim stret long wanem, ol i save stap long dispela ol gaden kaikai. "Sampela sain i stat long kamap pinis na i no long taim, hevi bilong hanger

bai kamap, olsem na mipela i apil long Gavana Julie Soso long helpim mipela," Dekenovia i tok.

Em i tok dispela em namba wan taim long kain hevi olsem i kamap long Sinokepa hauslain.

Bikpela ren na ais i bin pundaun long planti eria long Goroka na ol arapela eria long hauslain tu, tasol bikpela hap bilong ais i bin pundaun long Sinokepa hauslain eria.



AIS PUNDAUN: Viles komyuniti lidaman na olupela Goroka Wod 4 LLG Kaunsil, Saida Dekenovia (namel) wantaim ol arapela man nameri i soim ol bagarap we ais i pundaun na bagarapim taro gaden bilong ol long Sinokepa hauslain long Goroka, Isten Hailans, tupela wik i go pinis. *Poto: Sape Metta*



Word Publishing Company Limited

P. O. Box 1982, Boroko, NCD, PNG. Tel: (675) 325 2500 Fax: (675) 325 2579

Email: word@wantok.com.pg

Vacant Positions

Circulation Supervisor

Qualification:

A Diploma in Business Studies majoring in Management or Sales & Marketing.

Minimum of 3 years experience in similar job.

Main area of responsibility will be to develop Customer retail outlet base around PNG and Overseas on Subscription.

Well converse with Computer applications and production deadlines.

Have at least three years hands on experience in a distribution networking area.

Familiar with handling of Airline Cargos and shipment documentation.

Must be of sober habit and be prepared to work long hours.

Advertising Sales Representative

Qualification:

A Diploma in Business Studies majoring in Sales and Marketing


Sober habit and willing to learn and work in a team.

Experience preferred but not necessary.

Attractive packages are offered for both positions and will be made available to the right applicant.

Forward your CV no later than 29 May 2015 to:

Publisher of:



WANTOK

The General Manager,
Word Publishing Company Limited,
P.O.Box 1982, Boroko, NCD
Email: word@wantok.com.pg

Today



Wass Matau Ltd kisim nupela masin long strongim wok

WASS Matau Limited, wanpela lenona kampani insait long Ramu Nickel Projek long Madang provins i soim tru gutpela piksa we ol arapela lenona kampani i mas luksave long soim gutpela menesmen na gro gut.

Long las wik antap Wass Matau Limited i bringim wanpela nupela masin ol i kolim rola i go insait long ol wok masin em i gat long en.

Insait long wanpela seremoni we i bin kamap long Sarere, Me 9 ol menesmen na dairektas bilong Kampani i bin amamas long lonsim na tu mekim lotu o dedikesen bilong dispela nupela rola em 12-tam CS523 we ol i bringim i kam long Australia.

Wass Matau Ltd em wanpela lenona kampani bilong Kostal Paipain eria insait long Ramu NiCo Projek na makim 52 klen insait long Astrolabe Be LLG long Raikos distrik.

Jeneneral Menesa bilong Wass Matau Ltd, Danny Gabong i amamas long givim toktok fran long ol lain husat i bin bung long lukim dedikesen bilong dispela nupela rola masin. Ol lain husat i bin stap long harim toktok em Presiden bilong Astrolabe Be LLG, Amili Deide, Siaman blong Kostal Paipain LOA, Steven Saud, Ramu NiCo Komyuniti Afes Jeneneral Menesa, Martin Paining na ol arapela opisa na tu ol lain.

"Tude i makim spesel taim tru long Kampani bilong mipela taim mipela i bringim nupela rola i kam long wok wantaim ol trak, ekskeveta, greidana ol arapela samting blong mipela," Mista Gabong i tok.

Em i tokaut tu olsem nau yet ol i nidim tasol wanpela wara-trak long kamap wantaim ful-tim stret sivil konstraksen kampani bilong wok.

Em i tokaut olsem Kampani bilong ol i no save kisim ol bikpela kontrak i kam long divelopa, Ramu NiCo (MCC). Tasol ol menesmen i save wok strong long painim na kisim kontrak long sapotim gro bilong bisnis.

"Mipela laik soim long Ramu NiCo Projek, Madang provinsal gavman na ol arapela kampani na ejensi olsem mipela i min tru long wok bisnis na laik kisim ol masin na olgeta samtin we i ken helpim mipela long sivil wok projek," Mista Gabong i tok.

Dispela nupela rola masin Wass Matau Ltd i kisim i kam long Australia em seken-hen tasol em i no

wok longpela taim na em i luk olsem nupela bikos em i yusim tasol 398 aua tasol long mailles bilong en na dispela em daunbilo long 55 aua mailles passs bilong seken hen nau i stap long maket.

Mista Gabong i tok sapos ol i laik kisim wanpela bren nu o nupela rola masin stret bai kos bilong en em K400,000 i go K500,000, tasol ol i stretim tok gut wantaim ol lain long Hastings Deering long kism dispela masin we i nupela liklik na kos bilong en i daunbilo.

Em i tok tu olsem wantaim dispela nupela rola Mista Gabong wantaim ol enjinia tim bilong em bai mobailais o redim ol samting long wokim wok long 26-kilomita rot long Bogia i go long Awar long Bogia distrik em AusAID i putim mani long stretim. Wok long dispela rot bai kism samting olsem tupela mun long pinisim.

"Mipela i kisim ol salens long go aut long ol arapela eria long wokim bisnis na i no long wetim tasol Ramu NiCo Projek, maski olsem mipela em lenona kampani bilong impekt eria," Mista Gabong i tok.

GM bilong CA Dipatmen bilong Ramu NiCo, Mista Paining i givim bikpela tok amamas long Wass Matau Ltd long kisim dispela nupela rola i go insait long kampani bilong en. Em i tok tu olsem kain menesmen na gutpela lidasip bilong Wass Matau Ltd i wokim ol i lukluk i go aut long Ramu Projek na i kisim ol kontrak na dispela i helpim ol gut.

Bod Siaman bilong Wass Matau Ltd, Doling Gembo i tok bod bilong em i amamas long kamap papa bilong dispela nupela rola masin, na i tok bisnis wok em i save bungim planti salens tasol ol i strong na go het yet.

"Kampani i save wokim wok, tasol dispela i no min olsem mipela save kisim moni hariap. Mipela mas menesim fainens bilong mipela long pinisim ol kontrak wok gut, na taim mipela i wokim olsem, mipela bai winim bel na tingting bilong ol lain mipela i wokim wok blong ol," Mista Gembo i tok.

Pastor bilong Grace Ministri Senta, Pst. Sam Petali, husat i wokim dedikesen na blesim rola masin i tok amamas long menesmen bilong Wass Matau na i tok ol wok lain i mas wok-bung wantaim na larim Papa God i kamap olsem ona o papa tru bilong masin na stiarim wok.


Nupela 12-tam CS523 rola wok-masin Wass Matau Ltd i baim



Jeneneral Menesa bilong Wass Matau Ltd, Danny Gabong i sekim wok bilong masin



Pastor bilong Grace Ministri Senta, Pst. Sam Petali, husat i wokim dedikesen na blesim rola



Ol Gem Veniu komanda i kisim sekyuriti trening

SEKYURITI bilong Pasifik Gems i bikipela samting na ol lain i go pas i karimaut trening long dispela eria olsem hap long wok redi.

Samting olsem 27 sekyuriti lain i kam long PNG Difens Fos, Koreksenal Sevis na Royel PNG Polis Fos i bin go insait long wanpela trening i karamapim Infomesen, Koman, Kontrol na Komyunikesen long las wik.

As tingting long woksop em long strongim na givim save long ol lain na ol i ken givim gutpela sekyuriti long taim bilong Gems.

Sampela long ol eria we woksop i bingivim bikipela lukluk long en em long wokim ol disisen, situesen awenes, plening na netwok namel

long ol ejensi long kamapim gutpela Gems.

Ol sekyuriti manmeri bai wok olsem ol komanda long ol Gems Veniu o ol ples bilong pilai, na ol bai wok wantaim ol Kompetisen Menesa na ol Fesiliti Menesa long lukim olsem ol Gem i kamap long seif envairomen.

Olsem hap bilong trening, ol i bin kisim ol lain long lukim Gems Viles long glasim na skelim ol plen na taim bilong Gems, ol hevi na rot long daunim ol, na ol ples bilong slip na pilai i seif.

Ol Federel Polis bilong Australia i bin go pas long dispela kos long helpim PNG wantaim ol save long kamapim hai stendet sekyuriti sevis.



Ol lain i bin sindaun long Gems sekyuriti woksop *Poto: GOC Midia*

Ol BSP Wantok Volantia tim lida redi long Gems

GEMS Ogenaising Komiti (GOC) i patna wantaim IBS Senta bilong Ekselens i stat pinis long wokim ol trening long redim wanpela tim long namba 15 Pasifik Gems.

BSP Wantok Volantia Tim Lidas i bilong redim ol long ol Gems we bai kamap klostu taim long mun Julai.

Samting olsem 127 BSP Wantok Volantia Tim Lida (BSP WVTL) bai stap insait long wanpela de woksop long kisim

save long 15-pela ektiviti.

Ol tim lida bai bruk long 5-pela grup i gat 20 long wan grup na ol bai stap insait long woksop long ol Sande.

Ol woksop bai strongim ol tim lida long redi long go pas long ol volantia grup bilong ol, na tu, long strongim tim spirit namel long ol lain i sindaun long woksop.

As tingting long kamapim dispela woksop em long skelim save bilong ol lain long

mekim ol wok plen, lidasip na helpim ol long luksave olsem wok bung bilong tim i bikipela samting, menesmen, lukim olsem ol man i mekim wok, menesim taim na ol hevi samting.

20 pipel i bin sindaun long namba wan trening woksop na namba wan gru i bin sindaun long woksop long dispela Sande. Ol narapela bai sindaun long tripela Sande i kam.



VOLANTIA TRENING BILONG REDI LONG GEMS: Dispela tim i helpim ol tim memba long i go ova long rop olsem hap long abrusim ol hevi long dispela resis eria. *Poto: GOC*

Gems rilei tim inapim 50 de

WOKABAUT bilong Oil Search Pasifik Gems Rilei Baton i stap long namel mak na pinisim 50 de long 100 de wokabaut bilong em insait long kantri.

Baton i bin inapim 50 de long las wik Fraide

taim em i go kamap long Mendi, Sauten Hailans provins, na bai em i skruim wokabaut long narapela 50 de inap em i go long han bilong ol opisel long opisel opening bilong 2015 Pasifik Gems long Mosbi long Julai 4.

Insait long las 7-pela wik, Oil Search Pasifik Gems Rilei tim tim i raun pinis long moa long 19,200 kilomita na moa 300,000 pipel i lukim na holim pinis Baton.

Dispela Baton i makim Gems we Gickmai Kundun i bin disainim i raun pinis long sampela long we na naispela hap bilong kantri, i karamapim Sandaun, Is Sepik na Madang, na tu, Isten Hailans, Simbu, Westen, Manus na Enga provins.

Ol tiket bilong swimming i pinis

SAPOS yu wanpela manmeri o pikinini i laik lukim ol swimming resis long Pasifik Gems long Mosbi long mun Julai bilong dispela yia, i luk olsem bai yu no gat sans nau bikos olgeta tiket em ol i baim aut pinis.

Toksave i kam long Gems Ogenaising Komiti (GOC) i tok dispela em ol tiket bilong wan wan de, na dispela long pekej we ol bai pilaim long 6-pela de olgeta.

Ol bai pilaim ol swimming resis long Taurama Aquatic Senta na ol resis bai stat long Mande Julai 6 inap long Sarere Julai 11.

Dispela em i gutpela nius long ol fen o lain long kantri i save laikim swimming na ol i baim ol tiket long lukim dispela pilai resis long Pasifik Gems.

Dispela em i sans tu long lukim biknem sempion swima bilong PNG, Ryan Pini i pilaim las gem bilong em long asples yet.

Pinis i laik winim 7-pela gol medol long ol individual iven na long narapela 5-pela rilei we i ken lukim em i winim 12-pela gol medol, samting we no gat swima i mekim yet.

Pini i wokim trening nau long Brisben,

Australia, na em i amamas tru long harim olsem olgeta tiket long spot o pilai resis bilong en em ol i salim olgeta pinis.

“Em i gutpela tru, na mi amamas long kisim dispela nius, na mi tok tenkyu long yupela olgeta long baim ol tiket,” Pini i tok.

Pini bai go pas long ol yangpela swima nae m i askim pablik long kam na sapotim PNG swimming taim em i go aut.

Em i tok nau kantri i gat ol gutpela ples bilong trening na em i bilip olsem dispela bai kisim swimming long PNG i go long neks level.

Long wankain taim tu, Presiden bilong PNG Swimming, Elizabeth Wells, i bamams long harim nius long dispela we i kamap taim 50 de tasol i stap bipo Pasifik Gems i stat. Sif Eksekutiv Opisa (CEO) bilong GOC, Peter Stewart, i autim bikipela tok tenkyu i go long pablik long sapotim gut swimming nae m i strongim pablik long bai ol tiket long ol narapela spot tu.

Long kisim moa infomesen long ol tiket, lukim websait bilong gems em, PNG Games website portmoresby2015.com o ringim dispela telepon Hotlain namba, 180 2015.



Bilum bai kamap plawa bilong ol etlit

Gol medol kosa i helpim GOC

WANPELA kosa i bin winim gol medol 24 krismas i go pinis long 1991 Pasifik Gems i wok long givim gutpela helpim i go long Gems Ogenaising Komiti (GOC).

Aisa Nao i bin het kosa long PNG Basketball tim i bin winim Tahiti long 90-65 poin long gren fainel pilai 24 yia i go pinis long Mosbi na winim gol bilong PNG.

Aisa i bin kosim PNG basketball tium long winim silva na brons long 1998 Oseania Sempionsip pilai na Melanisen tonamen long Vanuatu.

Aisa nau i wok wantaim GOC Etletiks Sevis tim long plenim na redim ol etlit bai kam pilai long 24 kantri.

Wok bilong Aisa long spots i bin stat log 1977 taim em i wanpela pilaia, kmap kosa bilong Tim PNG na kamap olsem spots edministreta long nesenel na intanesenel level.

Basketbal bai lukim 10-pela tim bilong ol man, na 9-pela bilong ol meri i pilai long 9-pela de resis we bai stat long Julai 3-12. Ol kantri i salim ol man na meri tim bilong ol

long pilai em Ameriken Samoa, Solomon Ailan, Tahiti na PNG.

Ol top medol pilaia em tim bilong ol man na meri long Nu Kaledonia, Tahiti, Guam na PNG.

Long ol narapela PNG Gems nius, Sentrel i kamap olsem namba wan provins long inapim Provinsel Engesmen Komitmen Program (PECP) bilong em taim Gavana Kila Haoda i bin givim sekmani kontribusen i go long GOC las wik.

Dispela fanding o mani bai sapotim Gems Selebresen hap we bai ol pipel inap long lukim ol laip pilai taim ol i wok long kamap long televisen.

Ol Yut Lidasip program bai kisim wanpela wik lidasip trening program na ol bai givim ol wok long dispela Julai Pasifik Gems long Mosbi.

Ol narapela 9-pela provins i wok long toktok wantaim GOC long go insait long PECP em long Galp, Oro, Is Sepik, Wes Sepik, Bogenvil, Westen na Isten Hailans na Westen Provins.

Baton na rilei tim i lukim ol kain ples i gat ol kain kalsa na tumbuna pasin long ol wan wan provins ol i go long en.

Taim rilei tim i kamap long wanpela hap, taun, skul o we, planti tausen manmeri na pikinini i wok long bung na givim bikipela na gutpela welkam long ol.

Raun long kar, lek, helikopta, hos, bot na sef bottu, Baton i ekspiensim ol kain gutpela wokabaut olsem long go antap long bikipela maunten long PNG em Maun Wilhelm, wokabaut i go olgeta long Telefomin em taun long PNG i stap long antap levl stret, go andagraun long ol main na insait long ol kokonas na kakau plantesen.

Moa yet, em i sef long naispela solwara bilong Pasifik, daiv aninit long solwara wantaim ol trousel na ol baramandi pis, na tu, raun namel long ol pisin, kapul, pukpuk na ol narapela wailaip moa.

Tura em mascot bilong Pasifik Gems i lewa bilong pipel, ol pikinini na ol skul sumatin we ol i save redi tasol long bungim, sekanim na holim.

Long Madang, ol givim nem Pasifik Gems Pak long wanpela nupela pak.

Rilei tim Menesa, Tamzin Wardley, i tok ol i amamas long inapim wokabaut bilong narapela 50 de taim 2915 Pasifik Gems i wok long kam klostu nau.



Konrad Hurrell kisim taim



SENTA bilong Warriors Konrad Hurrell bai no inap pilai inap 3-pela wik bihain long em i givim bagarap long wisek bilong Anthony Tupou bilong Cronulla Sharks. . Hurrell i apim bodi bilong em na bamim wisket bilong Tupou long gem bilong ol we ol Warrios i bin win' 20-16 long Shark Park long Sarere. Skru bilong em i paitim wisket bilong Tupou. Ol i kisim Tupou i go long haus sik we ol dokta i stretim em na putim 4-pela metal plet na skru na waia long stretim wisket bilong em.

ragbi nius

Wales pilaia Danny Jones i dai long ragbi fil

DANNY Jones bilong Wales ragbi lig intenesenel i bin dai bihain long em i kisim hat atek long taim bilong pilai long Inglan. Jones, 29 krismas, i pilai long Keighley egensim London Skolars, i bin pundaun long foa minit bihain long gen i stat na ol i karim em i go aut long fil. Ol dokta na paramedik i tritim em na ol i kisim em i go long Royal Free Hospital long Hampstead, not London, we ol dokta i traim

long sevim em tasol ol i no inap. Danny Jones i wanpela yangpela man husat i gat planti ol sapota na ol wanpilaia bilong em i gat bikpela rispek long em. Em i dai yangpela tumas na i lusim meri bilong em wantaim ol twins pikinini bilong em husat i gat 5-pela mun tasol. Jones i joinim Keighley long 2010 bihain long em i lusim Halifax na em i wanpela memba bilong Wales

tim husat i pilai long 2013 World Cup pul mets egens Kuk Ailan. Long Fonde, wanpelasoka pilaia bilong Beljem Gregory Mertens i bin dai tripela de bihain long em i kisim hat atek long taim em i wok long pilai. Dispela difenda bilong Lokeren i gat 24 krismas i bin pundaun 20 minit bihain long pilai egens Genk long las wik Mande na em i dai long las wik Fonde.

Darius Boyd tok em i redi long pilai long Stet ov Orijin



Brisbane Broncos ful-bek Darius Boyd i tokaut olsem em i redi long pilai long Stet ov Oijin bihain long em i kam bek pilai long NRL. Boyd i pilainamba wan gen bilong em bihain long em i kisim bagarap long lek bilong em long Fraide nait win egensim ol Penrith Panthers. Boyd i tok bai em i no inap kamap fit hariap tasol em i bilip em i redi long ol strongpela trening bilong Orijin

sapos ol i makim em long tim. Em i to bai em I stap fit long narapela tripela wik na redi tasol long ol selekta. "Mi ting Mal bai makim mi na mi redi tasol long pilai," Boyd i tok. Em i tok em i amamas long pilai bilog em long dispela strongpela gem wantaim Panthers we ol i bin win 8-5, - em i namba wan gem bilong em long klap bihain long em i lusim Newcastle.

soka nius Nathan Burns bilong Wellington Phoenix i winim Johnny Warren Medol long A Lig



WELLINGTON Phoenix straika, Nathan Burns, i kisim luksave long strongpela kempen bilong em na kisim A-League Pilaia bilong Yia awot em, Johnny Warren Medol. Burns i bin kisim top awot long las wik Mande insait long wanpela seremoni long Sydney. Em i bin kisim 577 vot i kam long winim top awot. Pilaia bilong Adelaide United, Marcelo Carrusca i bin kamap namba tu wantaim 366 vot, taim pilaia bilong Melbourne, em Fahid Ben Khalfallah i kisim 307 vot na Kosta Barbarouses, 277 vot. Las long ol pilaia i stap long top 5 em pilaia bilong Reds', Sergio Cirio wantaim 245 poin. Burns i bin statim pilai bilong em wan-

taim A-Lig taim em i go insait long pilai wantaim Adelaide United long 2006 na bihain, em i bin go pilai long Yurop na Esia. Long 2013, em i go bek long Australia na joinim ol Newcastle Jets long 2013, tasol dispela yangpela man i gat 27 krismas i mekim nem bilong em wantaim Phoenix long dispela sisen. Burns i bin kikim13 gol na em i bin go insait long Socceroos' skwat, na em i bin pilai strong taim ol Socceroos' i bin win long Esien Kap kempein. Sydney Futbol Klab (FC) pilaia bilong Austria, Marc Janko, i bin kisim Golden Boot awot long kikim 16 gol we i mekim em tu I kamap top lig gol skora long dispela sisen. Win kosa bilong Melbourne Victory's

primiasip, Kevin Muscat, i bin kamap A-Lig Kosa bilong Yia bipo long gren fainel ol i bin pilaim long Sande egensim tim, Sky Blues. Long ol narapela awod, shotstopa bilong Socceroos em Eugene Galekovic i bin kisim A-Lig Golkipa bilong Yia awot long namba 4 taim taim James Jeggo bilong Adelaide i bin kisim Yang Futbola bilong Yia awot. Difenda bilong Adelaide Yunaitet, Tarek Elrich i bin pilai gut tru egensim Melbourne City FC long fainol raun bilong sisen na i kisim A-Lig Gola bilong Yia. Emily van Egmond i bin kisim top awot bilong W-Lig, em Dolan Medol na Jarred Gillet i bin kisim Referi bilong Yia awot long namba tu taim.

Istanbul 'em bes nait long laip bilong mi'

"EM i bin bes o top nait long laip bilong mi. Olgeta futbol pilaia i ting olsem em i bes kap long winim. Em bai go daun long rekot olsem bes o top Sempion Lig fainel stret na olsem kepten bilong dispela tim, ating mi bin praut man stret long dispela planet." Gerrard i tok long i no winim Primia Lig i putim hul long memori bilong em na em i wokim gutpela toktok long foma menesa, Gerard Houllier. "Mi gat bikpela luksave long Gerard Houllier. Em i olsem papa bilong mi na aninit long en, mi bin winim tripela trofi," em i tok. "Mi bin gat 23 krismas tasol em i mekim mi olsem kepten bilong tim, na dispela i bikpela samting long mekim." Gerrard, husat i bin pilaim 253 Primia Lig gem long Anfield, i bilip olsem long wanpela de, em bai go bek olsme kosa. "Long kisim wok long dispela lap, yu mas inap long mekim na yu



gutpela, tasol i no olsem bikos ol i save long yu," em i tok. "Tasol long tupela yia i kam taim mi stap aut long siti na mi glasim na skelim ol samting, na ol i ofaim mi wok na mi pilim olsem mi inap, bai mi tingting gut long kisim."

Sevilla i go insait long Europa Lig fainal

HOLDER Sevilla i go insait long fainel long namba tu yia taim em i winim 2-0 long Fiorentina long sekurim 5-0 long La Liga klap we ol i bin stap long tai o wankain sko long semi fainel pilai bilong ol. Sevilla i bin bukim ples bilong em taim em i daunim sait bilong Itali wantaim 3-0 long namba wan pilai bilong ol las wiken long Spain, na sapos ol i ken winim Dnipro, Ol bai ol i holim rekot long win long namba 4 taim long pilai long Yurop. Carlos Bacca i bin paairim Sevilla long 22 minit long Stadio Comunale Artemio Franchi long Florence taim em i kikim gol i bin go klostu long ruf bilong net. Dispela i bin lusim Fiorentina long kisim 5-pela gol, tasol em i bin pundaun bihain taim Daniel Carrico i kikim 2-0 5-pela minit bihain.



Nait bilong Fiorentina i no bin go gut bikos long hapwe long namba tu haf, taim Josip Illicic i wokim penelti kik ova long krosba bihain long difenda bilong Sevilla, em Grzegorz Krychowiak, i bin pondaunim David Pizarro long penelti eria. Sapos Sevilla i holkim namba 4 posisen long UEFA Cup/Europa lig long namba 4 fainel, em bai go

pas long Inta Milan, Juventus na Liverpool, we wan wan bilong ol i gat tri. Sevilla i bin winim UEFA Cup long 2006 na 2007 na winim Benfica long penelti long sekurim trofi em bin winim long las yia. Sapos em i win, em bai stap long ol ples we ol bai holim ol pilai long dispela Sempion Lig long neks yia.

Mangi KRX stap pinis long PNG tim



Midfilda bilong Madang FC, Alvin Komolong i kisim 'Man of the Match' prais long PR opisa bilong Telikom PNG, Bibien Bareng. Poto: James G. Kila

James G. Kila i raitim

YANGPELA mangi KRX (Karkar ailan) Alvin Komolong husat i setim tupela gol na pilai strong tru long lukim asples tim bilong em Madang FC winim Hekari Yunaited i kisim 'Man of the Match' awot bi-hain long gem las wik Sarere.

Dispela boi bilong Keng viles long Waskia sait bilong Karkar ailan i save pilai strong tru long tim bilong em Madang FC na planti ol sapotas bilong em long Madang i save singaut 'Bai' tasol long em taim em i ron wantaim bal.

Alvin wantaim brata bilong em Felix i stap insait long Madang FC tim, tasol las wiken liklik brata bilong em i no bin pilai.

Wanpela gutpela samting em long olgeta gem Alvin i save pilai em papa bilong em i save go sindaun long gren stend na lukim boi bilong em pilai.

Alwin i skul long Yunaited Stets of

Amerika na i statim soka pilai bilong em, na em i amamas long pilai insait long tim bilong provins bilong em yet, Madang FC na em wanpela pilaia save strongim stret gem bilong tim.

Alvin nau i stap insait long PNG. Anda 23 soka tim bilong Pasifik Gems we bai kamap long Mosbi long mun Julai.

Em i stori olsem em liklik boi yet na i save lukim tupela pilaia bilong Hekari Yunaited, em long David Muta na Koriak Upaiga i pilai na i save laikim gem bilong ol. Olsem na em i amamas pilai egensim ol long las wik Sarere long semi fainol.

Long seken hap bilong pilai, Alvin i bam wantaim David Muta na tupela i kisim taim liklik tasol nogat bagarap i kamap.

Long dispela wiken Alvin wantaim ol boi bilong Madang FC bai traim ol boi bilong Lae City Dwellers long lukim husat em sempion bilong NSL long 2015.

Madang FC wokim histori long NSL fainel

James G. Kila i raitim

AIWARA bilong kosa bilong, Francis Moyap i pundaun stret long pablik taim las wisil i pairap olsem tim bilong em Madang FC ol i rausim tiket bilong sempion klap Hekari Yunaited 3-2 long las wik Sarere insait long semi fainel pipel bilong Telikol Nesenel Soka Lig (NSL) long Madang.

Gavana bilong Madang, Jim Kas tu i paul long toktok taim ol nius ripota i askim em long givim toktok bikos Madang provinsal gavman em bikipela sponsa bilong Madang FC, husat i wokim histori long stopim Hekari long go insait long fainel 10-pela taim.

Tim menesa bilong Madang FC, Tweedy Malagian i aiwara pundaun tu long las wisil bikos pikinini man bilong em Vanya i skoim tupela gol we i lukim ol 'blak bokis' bilong Madang i wokim histori long NSL fainel.

Madang FC i putim kamap wanpela naispela gem tru we long namba wan hap yet ol i skoa i go antap olsem 3-1. Namba wan gol em straiika bilong Madang FC, Vanya Malagian i subim i go insait long umben bihain long midfilda Alwin Komolong i setim bal long lepwing kona na abrusim ol beklain bilong Hekari.

Namba tu gol bilong Madang FC tu i kam long wankain rot taim lep winga bilong Madang FC, Hanson Topio i salim bal i go na abrusim beklain bilong Hekari na Malagian i subim namba tu gol i go insait long umben bilong Hekari. Namba tri gol em Malagian wantaim Komolong i resis wantaim ol beklain bilong Hekari na givim sans we i lukim friman olsem straiika Semmy Hiob i salim antap tasol i go paitim umben na bringim skoa i go antap long 3-1.

Long seken hap i lukim strongpela salens tru i kamap taim ol fowat bilong Hekari olsem straiika Tommy Semmy wantaim Emmanuel Airem na midfilda na kepten David Muta wantaim Emmanuel Simon long brukim banis i go insait long eria bilong Madang FC. Tasol Madang FC i taitim tru difens na mekim olgeta kain rot long stopim ol fowad bilong Hekari.

Long narapela fainel gem long pas-taim i lukim Lae City Dwellers i pilai strong tru na daunim FC POM 3-1.

Long dispela wiken em namba wan taim tru insait long NSL resis bai lukim no gat ples bilong Hekari long gren fainel. Tupela tim bilong Momase yet em Lae City Dwellers bai bungim Madang FC long gren fainel.

Bilum bai kam gut long Pasifik Gems

OL etlit long 2015 Pasifik Gems bai kisim billum wantaim ol medol bilong ol, na i no ol plawa ol i save kisim long ol medal seremoni pastaim.

Dispela em i visen o tingting bilong Gems Ogenaising Komiti (GOC) long yusim Gems long promotim kalsa bilong PNG i go

aut long wol.

Operesens menesa bilong GOC, Clint Flood i tok ol i wokim sampela senis long givim 100 pesen lukluk long PNG, tasol long wankain taim, lukim olsem protokol i stap.

Em i tok ol planti samting ol i save mekim long taim bilong givim

ol medol long wol bai senis na ol bai givim ol kalsa samting bilong PNG yet.

Long nau, ol i givim wok long tripela meri grup long Mosbi na Goroka long wokim 3,000 bilum bilong prisenim o givim i go long ol etlit long moa long 250 medol seremoni.

Aninit long dispela arenjmen wantaim PNG Wimen long Bisnis na Mosbi Wimen Making Bilum Asosiesen na Jauka Bilum Prodaks long Goroka, ol bai yusim moa long 500 meri long wokim ol billum.



Komisina Janet Sape wantaim ol mama bilong Women In Bisnis i givim ol bilum i go long ol Pasifik Gems komiti. Dispela ol bilum bai kisim ples bilong ol plawa taim ol givim medol i go long ol etlit. Poto Nicky Bernard

Pasifik MMI PNG Lewas i kamap long Samoa

OL Pasifik MMI PNG Lewas i kamap long Samoa long Tunde long 2-pela wik developmen tua, dispela wik. Dispela em i hap bilong redi long Pasifik Gems long Julai.

Dispela tim i lusim PNG long Sande Me 17 na ol i mekim trening dril. Niu Saut Wels Wimens Kosa, Joanne Broadbent i go pas long en.

Joanne i stap insait long kantri sampela wik pinis long wanpela trening kemp wantaim nesenel kriket tim bilong ol meri husat bai makim PNG long namba wan taim long dispela Pasifik Gems.

Olsem hap bilong dispela raun long Samoa, bai ol i gat tupela T20 mes na

wanpela 50 ova mes long dispela wik. Wankain bai kamap long neks wik bipo ol i kam bek long kantri long 28 Me long Fonde. Ol bai i pilai ol mes egensim ol nesenel wimen tim bilong Samoa Kriket na Samoa Anda 19 Nesenel Tim.

Kepten Puake Siaka i tok olsem em i amamas long dispela raun long wanem ol Samoa em ol strongpela tim we ol i bin pilai egensim ol long sampela ICC intanesenel gem.

"Dispela raun bai givim ol meri sans long redi gut bipo long Pasifik Gems long wanem bai mipela i ken lukim ol risalt na redi long Pasifik Gems long

egensim ol Samoa gen," Kepten Siaka i tok.

Long wankain taim, nupela kosa bilong Pasifik MMI PNG Lewas, Rodney Maha i tok olsem dispela raun long Samoa bai i soim olsem ol meri i redi long Wimen Kriket long Is Esia Pasifik rijon taim Pasifik Gems i kamap.

"Mipela i stap long rot bilong winim Gold long Pasifik Gems na dispela raun bai mekim mipela luksave," Kosa Maha i tok.

Poto: Ol Pasifik MMI PNG Lewas i sanap wantaim Opisel Maskot bilong 2015 Pasifik Gems, Tura Kokomo long wik i go pinis.



Ol poto: Nicky Bernard



- 1 Henry Noki, Wartovo Puara na Israel Eliab i trening strong long pilai bilong dispela wiken.
- 2 Ol Hunters pilaia i amamas long wanpela trai bilong ol long wiken pilai.
- 3 Dispela tupela pilaia i save kontrolim pilai bilong Hunters. Roger Laka wantaim bal na Ase Boas.
- 4 Hit man bilong Hunters wantaim bal i mekim liklik sait step bilong em.

1



2



3



4



**WANTOK
PILAIA
PROFAIL**

ENOCK MAKI



Bonde: **04/12/1989**

Krismas: **25**

Provins bilong em:

Westen Hailans Province

Province em i stap nau long em:

Rabaul - Kokopo

Yia em i stat piali profesenel ragbi:

2008

Fes Klap nem: **Mt Hagen Eagles**

Digicel Klab nem:

Pot Mosbi Viper 2013 - 15

Yia em joinim PNG SP Hunters:

2015

Posisen long Tim (PNG Hunters):

Forwards

Yia o ol yia i pilai long PNG Kumuls:

2012 PMs 13

Posisen em i pilaim: **Forwards**

Namba wan kaikai bilong em: **Kaukau**

Kala em i laikim tumas: **Blue**

Bilong wanem sios: **Kisten Laip**

Senta(CLC)

Marit/singel: **Yes**

Sapos yes, hamas pikinini: **Wanpela**

**LINKING YOU TO MT HAGEN,
TABUBIL & KIUNGA.***

Tuesday: Lae - Mt Hagen - Kiunga - Tabubil - POM

Thursday: POM - Tabubil - Kiunga - Mt Hagen - Lae

* New route commences June 06, 2015.

Call toll free on **180 5465** visit www.airniugini.com.pg
or contact your nearest Travel Agent.



LinkPNG

**New
Route**



IMPROVED TASTE!

Niupela teist wantaim planti mit na oil. Teistim na bai yu laikim moa yet.

DIANA

Tuna

Emi tuna bilong PNG

PROUDLY PNG MADE

Manufactured by: RD Tuna Canners Ltd.

Moa mit na oil insait



DIANA Blu

TUNA IN OIL

NGCB kamap pletinum sponsa bilong Gems

Nicky Bernard i raitim

NATIONAL Gaming Control Board (NGCB) i kamap pletinum sponsa bilong Pasifik Gems wantaim long K6.95 milien long helpim ranim dispela bikpela gem bai kamap long kantri bilong yumi long Julai 4 2015.

NGCB i save sapotim planti ol spot insait long kantri stat long 2008, stat long ol liklik spot i go long bikpela. Long insait long kantri na i go long ovasis.

NGCB i wanpela program ol kolim long GIVIM BEK PROGRAM we ol save helpim long sapotim ol kainkain spot insait long kantri. Olsem long 2009 ol i bin helpim long PNG bin lukautim Pasifik Kap na foapela kantri long Pasifik i bin kam pilai long PNG.

Nesenel Geming Kontrol Bod i gat bikpela han long ol pilai insait long kantri na ovasis, ol lukautim ol tim na wan wan manmeri husat i karim nem

bilong kantri bilong yumi na go pilai long ovasis.

Ekting Sif Eksektiv Opisa bilong NGCB Imelda Agon i tok, “Planti ol spot insait long kanti NGCB i save helpim, maski liklik o bikpela NGCB save painim we long helpim annit long GIVIM BEK PROGRAM bilong mipela.”

2015 NGCB i helpim gen long helpim ol narapela sponsa long lukautim dispela bikpela Gem bai kamap stret long kantri na graun bilong yumi wantaim long K6.95 milien.

Insait long dispela yia tu NGCB i helpim PNG Hunters insait long Kwinslen Kap resis na tim Kumuls i bin go pilai long Australia wantaim Fiji Batis.

Long givim sekim mani na sainim kontrak, Ekting Sif Eksektiv Opisa bilong NGCB, Imelda Agon i stap long sainim kontrak na givim sek mani go long Siameri bilong Gems Oganaisin Komiti Emma Waiwai long Trinde.



TENKYU NGCB: Siameri bilong Gems Ogenaising Komiti, Emma Waiwai i sekan long Ekting Sif Eksekyutiv Opisa bilong Nesenel Geming Kontrol Bod(NGCB,) Imelda Agon long tok tenkyu long givim K6.95 milien. *Poto Nicky Bernard.*



PMV

DIESEL OIL



PMV OIL BILONG YUMI

BOROKO MOTORS

PORT MORESBY 325 5255

LAKE 472 1144

MT HAGEN 542 1933

TABUBIL 649 9048

KIMBE 983 5035

MADANG 422 2659

KOKOPO 982 8193

GOROKA 532 3552

Email: info@borokomotors.com.pg

Website: www.borokomotors.com.pg